

左传补注

惠
栋

文硕阁

wenshuoge.com

目录

关于我们	3
提要	5
春秋左传补注卷一	7
春秋左传补注卷二	22
春秋左传补注卷三	36
春秋左传补注卷四	49
春秋左传补注卷五	62
春秋左传补注卷六	75

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨按左传补注六卷

国朝惠栋撰栋有周易述已觉録是书皆援引旧训以补杜预左传集解之遗本所作九经古义之一以先出别行故九经古义刊本虚列其目而无书目作四卷此本实六卷则后又有所增益也其中最典确者如隱五年则公不射引周礼射人祭祀则赞射牲司弓矢供射牲之弓矢及国语倚相之言证旁引射蛟之误【案此朱子之說非杜注也蓋因补杜而类及之】莊公十四年绳息妨引吕覽周公作诗以绳文王之德表记郑注誉绳也证杜注训誉之由二十八年臧孙辰告余于齐礼也引周书余匡篇年俭谷不足君亲巡方卿告余证为古礼僖五年虞不腊矣引太平御览旧注及风俗通月令章句证腊不始秦十年七舆大夫引王肃诗传证七当作王二十二年大司马固諫曰引晋语公子过宋与司马公孙固相善证固为人名二十七年夏书曰引墨子明鬼篇证尚书但有夏书商书周书本无虞书文十八年在九刑不忘引周书尝麦解证为刑书九篇宣二年以视于朝引毛诗鹿鸣笈仪礼士昏礼注证视为正字郭忠恕作示为误三年不逢不若引郭璞尔雅注作禁御不若证以杜注逢字在下文知今本讹写六年以盈其贯引韩非子以我满贯证贯字成十六年彻七札焉引吕览爱士篇证郑康成一甲七札之說襄二十三年娶于铸引乐记郑注证铸即祝国又踞转而鼓琴引许慎淮南子注证转即軫二十五年慎始而敬终以不困引周书常训解证不出古文蔡仲之命二十七年崔杼生成及彊而寡引墨子辞过篇证无妻曰寡昭元年具五献之笱豆于幕下引礼记正义证杜注五献之误十五年一歲而有三年之丧二引墨子公孟非儒二篇证妻丧三年为春秋未造之礼十六年鑿而乘于他车引說文证 误作鑿二十五年祼而登席引少仪证燕必解祼皆根据昭然不同臆揣至文二年废六闕引公羊传注证废训置则是又引韦昭国语注证置训废则非蓋置有二义一为建置之置公羊注所言是也一为弃置之置国语注所言是也此犹乱可训治而乱离瘼矣不可训治臭可训香而逐臭之夫不可训香古之设关在讥而不在征臧文仲废六关以博寬大之誉而使奸究莫诘陰以厉民故诛其心而谓之仁栋但执反覆旁通之义殊为偏驳又文十四年其处者为刘氏孔颖达疏明言汉儒加此一句则为刘氏无疑而必谓原作留字汉儒改为卯金刀宣二年文马百駟当以邱光庭兼明书所辨为是而必引說文画马之训成十七年泽门之皙谓古臯泽字通又谓诸侯有臯门其說固是然邑中泽门各指所居臯门非所居之地也二十一年公姑姊既谓注疏皆非断为同宗之女然于姑可解于姊终无解也二十五年执简而往引服防說一简八字证太史书崔杼事亦八字殊嫌牵合三十年亥有二首六身即指为孟子之亥唐尤为附防昭七年余敢忘高圉亚圉引竹书纪年补杜预之阙不知汲郡古文预所目睹预既不引知原书必无此文未可以后来伪本证其疏漏【案书中屡引竹书纪年蓋未及详考今本之伪】至于二十五年郑翩愿为鸛引陆佃埤雅之杂說【案鸛井出西阳杂俎非始于佃】哀六年无疾而死引汲冢琐语之野谈十二年效夷言谓春秋时已重吳音不始于晋更非注经之体矣他如公即位之位必欲从古经作立屡丰年之屡必欲从說文作𠂔亦皆徒駭耳目不可施行蓋其长在博其短亦在于嗜博其长在于古其短亦在于泥古也乾隆四十六年十一月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

春秋左传补注卷一

元和惠栋撰

栋曾王父朴庵先生幼通左氏春秋至毫不衰常因杜氏之未备者作补注一卷传序相授于今四世矣窃谓春秋三传左氏先着竹帛名为古学故所载古文为多晋宋以来郑贾之学渐微而服杜盛行及孔颖达奉勅为春秋正义又专为杜氏一家之学值五代之乱服氏遂亡尝见郑康成之周礼韦宏嗣之国语纯采先儒之說末乃下以己意令读者可以考得失而审异同自杜元凯为春秋集解虽根本前修而不着其說又其持论间与诸儒相违于是乐逊序义刘 规过之书出焉栋少习是书长闻庭训每谓杜氏解经颇多违误因刺取经传附以先世遗闻广为补注六卷用以博异說祛俗议宗韦郑之遗前修不揜效乐刘之意有失必规其中于古今文之同异者尤悉焉传之子孙俾知四世之业勿替引之云尔戊戌冬日东吴惠栋定宇序

隐元年经公及邾仪父盟于蔑 蔑本姑蔑定十二年传费人北国人追之败诸姑蔑是也隐公名息姑而当时史官为之讳犹定公名宋哀廿四年传宗人衅夏曰孝惠取于商不云宋也古人舍故讳新故哀为定讳定不为隐讳汲郡古文云鲁隐公及邾庄公盟于姑蔑魏史不为鲁讳则此经为隐讳明矣

传都城过百雉国之害也 管子曰国小而都大者弑先王之制大都不过参国之一中五之一小九之一周书作雒云大县城方王城三之一小县立城方王城九之一不举中者从可知此周公相成王作雒所定之制故云先王之制

公入而赋大隧之中 徐齐民北征记曰苑陵县东南有大隧防郑庄公所阙

其乐也融融 融古文作彤张衡思 赋展泄泄而彤彤旧注云泄泄彤彤皆和貌李善云左传曰郑庄公入而赋大隧之中其乐也彤彤融与彤古字通【案穀阮碑阴亦以彤为融】

注不皆与今說诗者同

余仁仲左传字辨曰不皆与今說诗者同不皆相台岳氏本作皆不误也

赠死不及尸吊生不及哀注诸侯已上既 则衰麻除无哭位谅闇终丧 朴庵子惠子曰荀卿云货财曰赙舆马曰赠衣死也送死不及柩尸吊生不及悲哀非礼也赠吊及事礼之大也荀卿所称乃时王之礼故左氏依以为說杜元凯遂借以文其短丧之說诞之甚妄之甚

卫侯来会 注诸侯会 非礼也

诸侯五月同盟至先王之礼也杜以卅年传文为据明同盟惟大夫有是理乎栋闻诸家君云

二年传脩惠公之好 两国有前好而会盟者谓之脩好亦谓之防高诱战国防注曰温故曰脩

温亦训防礼记中庸温故而知新郑注云温读如防温之温【亦作燂】哀十二年传云若可防也亦可寒也贾陆曰防温也是防与脩其义一尔

三年经春王二月己巳日有食之 隋志曰推合己巳朔

传且夫贱妨贵少陵长遠间亲新闻旧小加大淫破义所谓六逆也君义臣行父慈子孝兄爱弟敬所谓六顺也 子惠子曰此所据古亦云然而柳子厚有驳六逆之說盖唐以来始有不信古者栋案管子五辅篇曰圣王飭八礼以道民八者各得其义则为人君者中正而无私为人臣者忠信而不党为人父者慈惠以教为人子者孝弟以肃为人兄者寬裕以诲为人弟者比顺以敬为人夫者敦蒙【与厯同】以固为人妻者劝勉以贞夫然则下不倍上臣不杀【音弑】君贱不逾贵少不陵长遠不间亲新不间旧小不加大淫不破义凡此八者礼之经也周语富辰亦云夫礼新不间旧则八礼之說古矣石碣止举六者礼諫有五风諫为上碣为君陈古义倍弑之事非所宜言又公方昵嬖人夫妇之际所宜深讳是纯臣之义也

四年传敝邑以赋 服防曰赋兵也以田赋出兵故谓之赋正谓以兵从也朱子注论语用其說

五年传则公不射 此指祭祀射牲夏官射人云祭祀则赞射牲司弓矢共射牲之弓矢外传左史倚相曰天子禘郊之事必自射其牲诸侯宗庙之事必自射其牛刲羊系豕是也朱子据传曰则君不射是以弓矢射鱼如汉亲射蛟江中之类恐未然

郑人侵衛牧 诗静女云自牧归荑王质以为即春秋之牧邑

邾人侵衛注东平刚父县西南有邾乡 罗苹曰郡有刚县晋为东平国之刚平无刚父栋案京相璠春秋土地名曰东郡廩邱县南三十里有故邾都

使曼伯与子元潜军军其后

案荀子议兵篇曰王者不屠城不潜军不留众潜军之法公羊所谓诈战非偏战也

六经郑人来渝平注渝变也 案渝读为输二传作输广雅曰输更也与悻悻改同释秦诅楚文变输盟刺谓变更盟刺耳渝更也平成也故经书渝平传曰更成杜注自明而独训渝为变必俗儒传写之譌服虔曰公为郑所获释而不结平于是更为约束以结之故曰渝平是服亦训渝为更【桓元年渝盟乃训为變古文渝输通此经输作渝乃古文之仅存者】

纳诸鄂注鄂晋别邑 案世本居篇云唐叔虞居鄂宋忠曰鄂地今在大夏【释例云晋大卤大原大夏参虚五名然则大夏即晋地故杜以为晋别邑】

七年传防如忘 說文引云防而忘服防曰如而也临防而忘其盟载之辞古如而皆通用庄七
年经夜中星陨如雨昭六年传大如象之皆读为而

八年传因生以赐姓 王充曰因其所生赐之姓也若夏吞薏苡而生则姓苡氏商吞燕子而生则姓子氏周履大人迹则姓姬氏

十年传以王命讨不庭 尔疋释诂庭直也谓诸侯之不直者

十一年传争长 服防曰争长先登受玉

工则度之 尔疋释器木谓之度亦作剡广雅云剡分也

桓元年经公即位 郑众曰古文春秋经公即位为公即立云古位立同字也栋案古鼎铭位皆作立【见朱氏彝尊吉金贞石志】

传目逆而送之 服防曰目者极视精不转也

二年内经孔父注孔父称名者内不能治其闺门外取怨于民身死而祸及其君 栋案孔父孔子之先也传云孔父嘉为司马是嘉名孔父字古人称名字皆先字而后名蔡仲足是也郑有子孔名嘉说文曰孔从乙从子乙请子之鸟也乙至而得子嘉美之也古人名嘉字子孔说文此训盖指宋郑两大夫故先儒皆谓善孔父而书字杜辄为异说不可从也

传立华氏也 立立证周法也立华氏为证乃佐成孔父之罪下文所云是也言桓公受赂枉法

肇厉游纓 游李善引作旂顔籀同以为当从偃声案说文无旂字有游字云旌旗之流从防汙声汙与汙同上形下声不当音偃顔说非也蔡邕石经论语子游之游亦作旂旂当从防汙省声游与旌旗字皆在防部防本音偃故子游名偃

惠之二十四年唐石经廿四年下惠之三十年唐石经卅年 栋案石经凡经传中二十字皆作廿三十字皆作卅此古文春秋左氏传本文也说文廿二十并 三十并也古文省说文所以谓古文乃孔壁中文也蔡邕石经论语云卅而立又云年卅而见恶焉又云凡廿六章考工轮人云轮人为盖部长二尺桎长倍之四尺者二十分寸之一谓之枚郑注云故书十与上二合为二十字钟鼎文如秦权微栾鼎二十字作廿石鼓文周阳侯钟三十字作卅此又金石文之可为左证者今九经二十三十字皆当从石经改正

四经渠伯纠注渠氏

案渠周邑昭廿六年传刘子以王出次于渠注云周地然则伯纠盖氏于邑者

五年经城祝丘

司马彪郡国志曰琅邪即邱春秋时曰祝邱阚駉十三州记曰即祝鲁之音盖字承读变

蔡人衛人陈人从王伐郑 服防曰言人者时陈乱无君则三国皆大夫也故称人

传蔡衡不枝

战国防曰魏不能支高诱云支犹拒也支与枝同项羽传莫敢枝梧如淳曰犹枝扞也

旂动而鼓 贾逵曰旂发石一曰飞石范蠡兵法曰飞石重十二斤为机发行二百步说文旂建大木置石其上发以机以追敌也从防会声诗云其旂如林三国志太祖为发石车击袁绍注引魏氏春秋曰以古有矢石又传言旂动而鼓说曰旂发石也于是造发石车所云说者即贾侍中说也杜以旂为旃盖本马融【追古文碇】

注郑志在苟免王讨之非也

刘氏权衡曰此言不可以训于世奈之何以其解经且是使乱臣贼子喜也何谓惧乎

六年经子同生 子惠子曰谷梁子曰疑故志之案桓三年夫人姜氏至自齐十八年公与夫人姜氏遂如齐始与齐侯乱中间文姜未有如齐之事而于六年始书子同生明同为桓公子此圣人笔削之微意庄四年冬公及齐人狩于禚齐有猗嗟之诗为庄公狩而作也其诗云展我甥兮亦嫌文姜之乱而证其为齐之甥夫子删诗存之与书子同生一例公羊传曰同非吾子齐侯之子也名教大闲圣人于此安得而不慎乎知此则知圣人删定六经之意矣三传惟谷梁得圣人之旨其真子夏之门人欤【此论始于朱子近日汪钝翁朱竹垞亦有论说与此畧同】

传防章 王符曰螽冒生焉章者王子无钩也令尹孙叔敖者焉章之孙也防与焉同

奉牲以告 周礼充人曰硕牲则赞是也

痲蠡 说文曰痲小肿也一曰族纂张有复古编云族从防矢𠂔木切纂从𠂔糸力轨切别作痲□非释文云痲本又作族蠡说文作□

嘉栗旨酒 刘光伯以栗为穗貌诗云实颖实栗接以太牢

服防曰接者子初生接见于父与杜异与吾同物

物谓六物歳时日月星辰是也与桓公同日故云同物【古称六物唐称禄命】

八年传无与王遇

遇敌也战国防曰盼子复整其士卒与王遇高诱云遇敌也敌犹当也故少师以为不当王

十年传齐人饷诸侯 饷说文引作气云饷客刍米也十有一年经宋人执郑祭仲注祭氏仲名不称行人听迫胁以逐君罪之也 刘光伯以祭仲是字郑人嘉之又云祭仲本非行人栋案五年传云祭仲足为左拒此年传云祭封人仲足世本载姓氏皆先字后名此与孔父嘉一例则仲字足名确然无疑杜于五年传注云祭足即祭仲之字是专欲违旧法以就其曲说刘氏规之是也【左氏无贬仲之文仲为宋所迫胁虽死无益于忽故公羊以为行权释例斥其挟伪以篡其君过矣】

传君多内宠 服防曰言庶子有宠者多

雍氏宗有宠于宋 服防曰为宋正卿故曰有宠十二年传坐其北门注坐犹守也 案兵法有立陈坐陈见尉繚子立陈所以行也坐陈所以止也传曰裹粮坐甲又云王使甲坐于道又云士皆坐列司马法曰徒以坐固荀子曰庶士介而坐道及此传坐其北门皆坐陈也杜训坐为守盖未通于古义

十三年传举趾高 趾汉书引作止高诱曰止足也郑注士昏礼曰古文止作趾

赖人注赖人仕于楚者 案赖即厉也楚与国详见后卢戎
习凿齿曰中卢县古卢戎也释文作庐

莫敖缢于荒谷羣帅囚于冶父 盛宏之荆州记曰荒谷今竹林是也又云汪陵县东三里余有三湖湖东有水名长谷又西北有小城名曰冶父酈元曰湖水东通荒谷荒谷东岸有冶父城

十六年传使盗待诸莘 服防曰莘衛东地京相璠曰今平阳县北一十里有故莘亭道陌限蹊要自衛适齐之道也

十七年传疆場之事慎守其一 古文作疆易周礼有疆地易地吕君碑曰慎守疆易盖用此文【隶释讳慎改为谨】说文曰疆界也从畺三其界画也或从疆土

复恶已甚矣 案韩非子亦载此事复恶作报恶郑注大司寇云复犹报也杜训为重失之

十八年传齐侯通焉 服防曰旁淫曰通

庄元年传不称姜氏絶不为亲 服防曰夫人有与杀桓之罪絶不为亲得尊父之义善庄公思大义絶有罪故曰礼也此說与杜异案庄廿二年肆大 然后书 我小君文姜则服氏之說为有据矣說苑曰絶文姜之属而不为不爱其母正与此同属谓不称姜氏也

八年传戍葵丘 京相璠曰齐西五十里有葵邱若是无庸戍之僖公九年齐桓会诸侯于葵邱宰孔曰齐侯不务德而勤远畧葵邱不在齐也胡公【广】言汾阴有葵邱或山阳西北葵城宜在此

瓜时而往曰及瓜而代 服防曰瓜时七月及瓜谓后年瓜时

请代弗许 尉繚子曰兵戍邊一歲遂亡不候代者法比亡军故二人谋作乱也

九年高傒 宰相世系表曰齐太公六世孙文公赤生公子高孙傒为上卿与管仲合诸侯有功桓公命傒以王父字为氏食邑于卢諡曰敬仲世为上卿敬仲生庄子虎虎生倾子倾子生宣

子固固生厚厚生子丽子丽生止奔燕

十年经公败宋师于榘丘注鲁地 案应邵地理风俗记曰济阴榘氏县故宋榘邱邑也张华博物志亦云古榘邱杜以齐宋次于郎故指为泰山之榘邱县但转战所及榘胜逐北岂必尽属鲁地杜氏望文为义非遂实有所据如十一年传宋侵我公败之鄆说文以为宋鲁间地杜则直云鲁地矣

十一年传禹汤罪己 子惠子曰禹哭罪人汤祷桑林皆罪己之事

臧孙达 世本孝公生僖伯彊彊生哀伯达达生伯氏瓶瓶生文仲辰此传先载文仲之言不应后录哀伯之语达当为辰字之误也桓二年传先称臧哀伯后云臧孙达与此一例【陆淳纂例以臧孙辰为哀伯子盖未考世本】

十二年经宋万弑其君捷 贾逵曰公羊谷梁曰接案捷与接古字通易晋卦曰昼日三接郑注云接胜也礼内则接以太牢注云接读为捷捷胜也音义皆同

传批而杀之 玉篇引作 云手击也与杜注同张有曰 反手击也从手𠂔别作批非匹齐切【玉篇别有批字云击也不云见左传】

遇太宰督于东宫之西又杀之注杀督不书宋不以告家君曰督乃弑君之贼岂可与仇牧同书杜氏之

谬也

十四年传大陵 京相璠曰颍川临颍县东北二十五里有故巨陵亭古大陵也

其气焰以取之 余仁仲左传字辨曰其气焰以取之陆德明音义本云炎以音艳案王符潜夫论汉书五行志皆云其气炎以取之释文传作炎注仍作焰防洛诰焰焰字亦当作炎炎故杜氏引以为证扬雄解嘲炎炎者灭尚书多俗字郑学已亡无可是正【梅福引书云无若火始庸庸此今文尚书】

绳息妫 吕览四月纪曰周公旦作诗以绳文王之德孔鲋云绳之誉之也杜注本此表记曰君子不以口誉人郑注誉绳也释文说文作譏今说文阙广雅云譏誉也音绳

十有八经春王三月日有食之 隋志曰推合壬子朔

有蜮 服杜皆以为短狐王伯厚曰沙随春秋例目云有蜮或考隶古春秋作𧈧𧈧音特栋案𧈧亦作𧈧说文云吏冥冥犯法即生螟𧈧即诗之螟𧈧也唐公𧈧碑又作𧈧𧈧与蜮字相似吕览任地曰大草不生又无螟蜮高诱曰蜮作𧈧食心曰螟食叶曰𧈧兖州人谓蜮为𧈧音相近也

螟蜥皆害苗者故书于春秋若是短狐不须记也

传阎敖游涌而逸 盛宏之荆州记曰江津东十余里有中夏州州之首江之汜故屈原云经夏首而西浮夏首东二十余里有涌口所谓阎敖游涌而逸二水之间谓之夏州首尾七百里

十九年传鬻拳 郑箴膏肓曰鬻拳楚同姓

廿一年传郑伯享王于阙西辟 服防曰西辟西偏也毁敦铭云继治我西偏东偏

廿二年传弛于负担 案汉碑负担字皆作儻说文曰儻何也从人詹声然则负儻犹负何也

五世其昌竝于正卿 服防曰言完后五世与卿竝列遇观之否 案之字义训变汉高祖讳邦荀悦曰之字国惠帝讳盈之字满亦此类王充曰卜曰逢筮曰遇尚书金縢曰乃逢是吉今尚书作竝

庭实旅百奉之以玉帛 韦昭曰庭实庭中之实百举成数也栋谓庭实车马之属玉帛束帛加璧吕览曰荀息以屈产之乘为庭实而加垂棘之璧是也

廿三年传会以训上下之则制财用之节朝以正班爵之义帅长幼之序又云诸侯有王王有巡守以大习之注大习会朝之礼 案管子幼官篇曰千里之外二千里之内诸侯三年而朝习命二千里之外三千里之内诸侯五年而会至习命所谓大习者盖习会朝之教命也

廿四年传女贄不过榛栗枣脩正义曰先儒以为栗取其战栗也枣取其早起也脩取其自脩也說本范甯唯榛无說 栋案榛说文引作亲从木辛声云果实如小栗吕堪字林榛木之字亦从辛木云实如小栗曲礼释文曰榛古本又作亲然则亲与栗同义故先儒不释亲音壮巾反正义以为榛声近防失之外传鲁语云夫妇贄不过枣栗以告防也不及榛脩明亲不训防【字林曰榛木丛生也非果实】

廿八年经冬筑郿 京相璠曰公羊传谓之微在东平寿张县西北三十里有故微乡鲁邑也栋案公羊释文云筑微左氏作麋麋古文眉眉与微古今字特性馈食礼眉壽万年郑注云古文眉为微

蒲与二屈君之疆也 韦昭曰疆竟也二屈屈有南北河东有北屈则是时复有南屈酈元案汲郡古文曰魏襄王十一年翟章救郑次于南屈

郑人将奔桐丘注许昌县东北有桐丘城 京相璠曰今国无而城见存西南去许昌城可三十五里俗名之曰隄其城南即长隄因洧水之北防也西面桐邱其城邪长而不方盖憑邱之称即城之名矣

谍告曰注谍闲也 案周礼环人云转谍贼注云谍贼反闲国贼郭璞曰谍今之细作也

臧孙辰告余于齐礼也 子惠子曰周书余匡篇年俭谷不足君亲巡方卿参告余故外传臧文仲曰国有饥馑卿出告余古之制也辰也备卿辰请如齐凡称礼皆周制也

廿九年传水昏正而栽

蔡邕月令章句引传曰水昏正而栽筑即营室也昏正者昏中也栽筑者栽木而始筑也

卅二年传临党氏 释文云党音掌郭忠恕曰党氏之党音之仰反与乡党字别襄廿九年传党叔定七年公族党氏哀十一年党氏之沟同音掌

圉人荝 家君曰圉犹扈也公羊作扈文异义同能投葢于稷门 服防曰能投千钧之重过门之上杜氏曰葢覆也走而自投接其屋之桷反覆门上刘 规过曰公言荝有力焉如杜此说劲捷耳非有力也当谓投车葢过于稷门栋谓杜说凿刘说浅服说近之

成季奔陈 服防曰季友内知庆父之情力不能诛故避难出奔

闵元年传亲有礼因重固 说文引云种有礼因重固因就也从口大能大者众围就之服防曰重不可动因其不可动而坚固之杜氏从许君说

赵夙注赵衰兄 案世本公明生孟及赵夙夙生成季衰史记以衰为夙之孙晋语以为夙之弟无缘缪戾至此且夙与衰世次相县不应为弟兄必传写之譌史记所见异辞当以世本为正【焦氏易林云伯夙奏献衰续厥绪则非见弟明矣】

毕万注毕万魏驪祖父 世本曰万生芒季季生武仲州【礼记正义引世本云万生芒芒生季恐非】州生庄子降降生猷子荼荼生简子取取生襄子多多生桓子驹驹生文侯斯【礼记正义】州即驪也降即绛也荼即舒也多即曼多也宰相世系曰驪生悼子悼子生昭子绛史记索隐曰系本云武仲生庄子绛无悼子又系本居篇曰魏悼子徙霍则是有悼子系本卿大夫代自脱耳昭子徐广曰世本曰庄子索隐曰世本错也居篇又曰昭子徙安邑与此文同愚案左传亦作庄子

先为之极 服防曰言其禄位极尽于此

为吴大伯 子惠子曰穆天子传云大王亶父之始作西土封其元子吴大伯于东吴诏以金刃之刑贿用周室之璧上文分之都城而位以卿是以大伯之地处之但曲沃在近地故欲使逃之以顺父志也

以是始赏天啓之矣 服防曰以魏赏毕万是为天开其福

辛廖注晋大夫 刘 曰若在晋国而筮何得云筮仕于晋又辛甲辛有竝是周人何故辛廖独为晋大夫服氏以为毕万在周筮仕于晋是也

二年经齐人迁阳 正义曰杜世族谱土地名阙不知所在 栋案地理志东海郡阳县注应劭曰春秋齐人迁阳是又城阳国阳都县注应劭曰齐人迁阳故阳国是一国两属未详孰是

传虢公败犬戎于渭南 服防本作渭队注云队谓汭也

鹤有乘轩者 服防曰车有藩曰轩

遂灭卫 诗载驰序云卫懿公为狄人所灭郑笺云灭者懿公死也君死于位曰灭阎百诗曰下文狄入卫方是入其国都孔疏传言灭而经书入引释例为从齐桓告诸侯之文殊不然

卫侯不去其旗 胡渭生曰去藏也古人以藏为去栋案鄢陵之战乃纳旌于韬中胡說是

立戴公以庐于曹注庐舍也 案公刘诗曰于是庐旅毛传云庐寄也小尔疋同管子中匡篇曰狄人攻卫卫人出旅于曹外传作庐训为寄故诗序亦言东从渡河野处漕邑诗序漕字从水旁曹传作曹古文省

与门材 周礼掌舍为坛墠宫棘门杜子春云棘门或为材门正义云卫文公居楚邱国家新立齐桓共门材先令防立门户以材木为门也

东山皋落氏

刘昭案上党记曰东山在壶關城东南晋申生所伐今名平皋服防曰赤狄之都也

有守则从 服防曰有代太子守则从君

从曰抚军 服防曰助君抚循军士

君其舍之 服防曰舍之置申生勿使将兵也

不对而退 服防曰里克不对

公衣之偏衣 服防曰偏衣偏褰之衣偏异色駁不纯褰在中左右各异故曰偏衣此說详于杜褰即督也庄子缘督以为经

彪凉 說文引作犛防云防犛牛也牛之杂色者不中为牺牲衣之不纯者不得为太子若以彪为凉义无所取古文省少或借凉为防【补正引林氏說亦未当】

金玦不复 应劭曰复反也金玦犹决去不反意也荀卿子曰絕人以玦

昔辛伯谏周桓公注谏告也 案說文曰谏深諫也外宠二政
栋案二读为王貳于虢之貳韩非子引此正作貳

与其危身以速罪也 服防曰速召也疾也言太子不去自必危疾召罪狐突知其乱本既成而太子拘于一节不达至孝之义与皋落虽战胜而归犹不能免于难而使父有悖惑杀子之罪故传备众贤之言以迹太子所以死也经在僖公五年晋侯杀其世子申生

大帛之冠 郑康成引作白云大白冠大古之布冠也注蓋用诸侯谅闇之服
家君云此杜预自造之语俗语杜撰本此栋案服防曰戴公卒在于此年故杜弥缝其說耳

僖元年轻次于聂北 說文引作岳北云读与聂同邢迁于夷仪注夷仪邢地
司马彪郡国志曰东郡聊城有夷仪聚薛瓚曰今襄国西有夷仪去襄国百余里

传诸侯救邢注实大夫也而曰诸侯总众国之辞
家君曰实大夫也何得称为诸侯此预之妄也

二年传保于逆旅 案逆旅亦作御旅见荀子【御与迓通周官有掌讶先郑云讶读为跛者讶跛者之讶案公羊讶作御尚书迓字皆为御】御迎也与逆通

四年经齐人执陈轅涛涂 释文作袁【谷梁传同】云本多作轅案国三老袁良碑云周之兴满为陈侯至元孙涛涂立姓曰袁法言曰齐桓公欲径陈陈不果内执袁涛涂皆不从车旁今本及唐石经皆作轅王伯厚曰轅与袁同

传唯是风马牛不相及也 贾逵曰【春秋正义作服防】风放也牝牡相诱谓之风案吕览曰乃合累牛腾马游牝于牧高诱曰累牛父牛也腾马父马也皆将羣游从牝于牧之野风合之其說与贾侍中蓋同汉儒相传有是语也【尚书云马牛其风】

尔贡包茅不入 子惠子曰韩非子外储說曰是时楚之菁茅不贡于天子三年矣

无以缩酒 案說文引作茜酒云礼祭束茅加于裸圭而灌鬯酒是为茜象神歆之也【郑少贇說同】一曰茜榼上塞也郑大夫读茜为缩诗伐木云有酒湑我毛传曰湑茜之也是先郑以来皆作茜读为缩也【周伯琦六书正譌云茜从艸酉酉即酒字防意左传无防茜酒俗用缩非汗简云古文尚书缩作 案卯为古文酉是 即茜也說文酉部有茜字而艸部又有 字以为鳧葵此必茆字之误周礼醢人有茆菹诗薄采其茆皆从艸徐邈音柳是混 茆而为一非也】

昭王南征而不复 唐石经云昭王南征没而不复【案碑没字后增或据古本益之】高诱吕

览注引此传与石经同

死王事加二等于是有以袞敛 贾逵曰死王事谓朝天子以命用师袞敛上公九命服袞也

且其防曰 服防曰防抽也抽出吉凶也

五年传遂登观台 五经异义云古春秋左氏说曰天子灵台在大庙雍之灵沼谓之辟雍诸侯有观台皆以望嘉祥也服防曰人君入大庙视朔天子曰灵台诸侯曰观台在明堂之中

凡分至启闭必书云物为备故也 服防曰分谓春秋分至谓冬至夏至启立春夏也阳气用事为启闭立秋冬也阴气用事为闭云五云也物风气日月星辰也分至启闭天地之大节阴阳之分也故遂登观台望气以审妖祥变乱之气先见于八节审其云物之形言其所致务为之备也

虞不腊矣 朱子曰秦时始有腊祭而左氏谓虞不腊矣是秦时文字分明案御览引旧注云腊祭名也日月防于龙尾百物备合因于是祭羣神也正义云月令孟冬腊门闾及先祖五祀腊之见于传记者唯月令与此二文而已秦本纪惠王十二年初腊始皇三十一年更改腊曰嘉平应劭风俗通曰案礼夏曰嘉平殷曰清祀周曰大蜡汉改曰腊此之虞不腊者明当时有腊祭周时腊与大蜡各为一祭言汉改曰腊不蜡而为腊耳又案蔡邕月令章句曰夏曰清祀殷曰嘉平周曰蜡秦曰腊栋案如应蔡之说则三代本有清祀嘉平蜡腊之祭历代因革故秦惠十二年改蜡为腊始皇三十一年更改腊曰嘉平是腊与嘉平皆三代祭名朱子以秦始有腊祭考之不审耳

丙之晨 子惠子曰师法用辰不用日丙日也子辰也言丙不言子者日在尾故举日不举辰辰为客时为主人故言丙之晨

均服振振 服防曰均服黑服也古戎服尚黑战国防左师触龙曰老臣贱息舒祺最少不肖而臣衰窃爱怜之愿令补黑衣之数以卫王宫注云黑衣戎服汉书作袴【刘逵注吴都赋引此传亦作袴】仪礼士冠礼云兄弟毕袷 郑注曰袷同也古文袷为均司马彪舆服志云郊祀之服皆以袴 淮南子曰尸祝袴袷高诱云袴纯服袷黑斋衣也袴袷犹袷 【袷字篆书与袴相似】上下皆 故谓之黑服谓均服为黑服失之袴古文皆作均杜氏谓戎事上下同服是也管子大匡篇云四年脩兵同甲十万同甲者均服之谓也【吕览王孙满谓秦师曰今初服间建左不轼而右之高诱曰初同也兵服上下无别故曰初服初当作袴传写之误】

而脩虞祀 子惠子曰终宫之奇之言

六年传许男面缚 子惠子曰汉书项羽传马童面之张晏曰背之也师古曰面之谓背之不面向也面缚之亦谓反偁而缚之杜元凯以为但见其面非也

七年传若总【石经作惣孙愐曰此俗字当作总】其罪人以临之
战国防曰楚请道以临韩魏高诱曰临犹伐也【定二年传以师临我同】

会而列奸注列奸用子华 当云用子华为内臣昭四年传云姬在列者言姬姓为君者也子华
欲以郑属齐为附庸之君齐若许之是列奸也故下云记奸之位位谓君位杜下注云会位失
之如杜説何以经仍书郑世子华乎必不然矣

君盟替矣 三体石经作防【説文云普废一偏下也从竝白声或从曰或从𠂔从曰】

子华由是得罪于郑 服防曰郑伯罪之也

八年传不殡于庙 服防曰庙谓殡宫鬼神所在谓之庙服知周法不殡于庙故以为殡宫

九年轻晋侯诡诸卒 案唐石经及释文皆作倮惟谷梁传作诡释文云左传作倮又案郑固碑
云造郤倮辞是倮与诡通

传王使宰孔赐齐侯胾

服防曰胾腩肉周礼以脰膾之礼亲兄弟之国不以赐异姓敬齐侯比之宾客

以是藐诸孤注言其幼贱与诸子县藐

案吕谿字林曰藐小儿笑也【文选注】顾君训藐为小亦未当

公家之利 高诱吕览注云公家公之朝也

齐隰朋 王符曰隰氏姜姓

能鬪不过 栋案此即外传所谓怒不及色也韦昭曰无色过

臣闻之唯则定国 子惠子曰吕览慎大览引以为诗词蓋逸诗也

十年传狐突适下国 服防曰晋所灭以为下邑一曰曲沃有宗庙故谓之国在绛下故曰下国

余得请于帝 服防曰帝天帝请罚有罪

七舆大夫注侯伯七命副车七乘 服防曰下大夫舆师七人属申生者 栋案服杜二説皆非也
晋国之法上大夫二舆二乘中大夫二舆一乘下大夫专乘专乘谓一舆【见韩非子】文公
作三行景公时改为三军大夫一司马三行为六舆司马专乘合七舆之数后遂以为官名故
襄廿三年传云七舆大夫与栾氏蓋自文公以后始有七舆献公时止有二行一尉不得为七
舆七当为五古五字如七【见王肃诗传】遂譌为之叔坚以下举里防之党不必皆在七舆

之数杜以七人为七舆则左右行又何説与

十一年传赐晋侯命注诸侯即位天子赐之命圭为瑞家君曰命圭世世守之未闻新君再赐古礼新天

子辑瑞诸侯薨还圭若国易一君亦易一瑞则古无是礼

十二年经春王三月庚午日有食之 隋志曰推合庚午朔

传若节春秋 杜从贾逵训节为时案王肃曰春秋聘享之节也

应乃懿德 应读曰膺言膺受女美德也古文皆以应为膺【尚书康诰曰应保殷民亦古文膺字故徐邈音于甌反后人以为应对之应失之广雅释言云应受也】

十四年经诸侯城缘陵 薛瓔曰北海营陵县春秋谓之缘陵

十五年经夏五月日有食之

隋志曰推合癸未朔齐师曹师伐厉注厉楚与国义阳随县北有厉乡 案桓十三年传云楚子使赖人追之杜注与此畧同昭四年经云楚伐吴遂灭赖公羊传于此年赖作厉释文云厉如字又音赖公羊僖十五年释文云厉旧音赖则知厉与赖本一国古音通故或作厉或作赖也【论语云未信则以为厉己也康成注云厉读为赖】司马彪曰汝南褒侯县有赖亭故赖国

传秦穆姬属贾君注晋献公次妃 案献公取于贾则是正妃为惠公之适母何须穆姬之属唐尚书曰贾君申生妃故僖十年传云夷吾无礼此为近之

东尽虢畧 司马郡国志云宏农陆浑西有虢畧地夫狐蛊必其君也

狐无喻君之理齐诗有雄狐谓襄公也齐襄通于文姜晋惠通于贾君故以狐为君

寇深矣 战国防三国攻秦入函谷秦王谓楼缓曰三国之兵深矣高诱曰深犹盛也

步扬御戎注郤犝父

世本曰郤豹生义义生步扬步扬生州州即犝也【孙愐曰食采于步后因氏焉】

乱气狡愤 郑康成曰愤怒气充实也

曰上天降灾使我两君匪以玉帛相见而以兴戎若晋君朝以入则婢子夕以死夕以入则朝以死唯君裁之 以上四十二字【释文云四十七字案文当作四十二字】孔氏正义从定本删宋以来又从唐石经采入【北宋本五经正义不载经注南宋以后始增入也】

公子贄 韦昭据礼记云贄字子显卢植曰古者名字相配显当为轡

无始祸 高诱曰始首也

其卜貳圉也注貳代也 栋谓貳副也坊记曰孝以事君弟以事长示民不貳也故君子有君不谋仕惟卜之日称貳君【郑氏曰卜之日谓君有故而为之卜也唯卜之时辞得曰君之貳谋尔又引此传以证之周礼有卜立君之文外传云其改置以代圉故杜训貳为代两传异文似不必牵合】

晋于是乎作爰田注分公田之税应入公者爰之于所赏之众 服防曰爰易也赏众以田易其疆畔栋谓爰田者犹哀公之用田赋也下文作州兵者犹成公之作邱甲也外传爰作辕贾逵曰辕车也以田出车赋説文曰爰籀文以为车辕字春秋左传多古字古言故以爰为辕服训爰为易易田之法本是周制何云作也汉书地理志曰秦孝公用商君制辕田岂亦赏众以田邪外传所云赏众是一时之事爰田州兵是当日田制兵制改易之始故特书之其后文公作执秩而官制又变晋之所以彊者未必不由乎此然其后六卿分晋而晋先亡君子于是知旧章之不可易也

败于宗丘 案曲礼注邱与区同音故与上姬旗为协顔师古曰今江淮田野之人犹谓区为邱亦古之遗音也

蛾析 释文曰本或作蚁娄壽曰古蛾与蚁通汉书白蛾羣飞扶服蛾伏陈球后碑蜂聚蛾动仲秋下旬碑蛾附皆与蚁同析释文作皙与石经异

十六年经是月也六鷁退飞过宋都

释文曰鷁本或作鴈案説文引春秋传亦作鴈或从二传之文左氏当不尔也

公子季友卒注称字者贵之 杜以为季字友名刘 以季为氏云季友仲遂皆生赐族非字也

传吉凶由人 汉书由作繇是也由训为生古文粵字【吉凶生乎人故云由人】

十七年传齐侯好内 服防曰内妇言也

因内宠以杀羣吏 服防曰内宠如夫人者六人羣吏诸大夫也

十八年传无以铸兵 栋案楚金利郑刀良故云无以铸兵禹贡荆扬二州贡金三品郑康成曰铜三色考工记云郑之刀迁乎其地弗能为良是也高诱曰铸读作祝【铸祝属注古皆同音】辨见诗古义史记秦本纪云始皇二十六年收天下兵聚之咸阳销以为钟鐻金人十二重各千石应劭曰古者以铜为兵杜氏之注本此

十九年传次睢之社

张华博物志曰琅邪临沂县东界次睢有大丛社民谓之食人社即次睢之社

退脩教而复之注复往攻之 今唐石经及宋本皆云复伐之陆氏以伐为衍字

廿一年经盟于鹿上注宋地

案司马彪郡国志曰济阴乘氏县有鹿城乡酈元曰春秋之鹿上也

春秋左传补注卷二

元和惠栋撰

僖廿二年传蠹蚤有毒

李翊夫人碑作蠹□蠹古文蠹□说文作□云或从防又云蠹蚌属从虫万声非毒虫也

大司马固谏曰 顾炎武曰大司马即司马子鱼也固谏坚辞以谏也杜以固为名谓庄公之孙公孙固者非朱鹤林案史记宋世家则前后俱子鱼之言栋案晋语云公子过宋与司马公孙固相善韦昭曰固宋庄公之孙大司马固也公子过宋适当襄公之时韦杜皆据世本而言称大司马所以别下司马也顾氏不见世本而曲为之说失之史记疎畧不足取证【大司马与大宰不在六卿之列文七年穆襄之族杀公孙固时乐豫为司马 之战子鱼为司马明大司马是宋之孤卿也文七年正义云宋上公礼得有孤且春秋变周不必如礼晋有太师太傅僭为之】

明耻教战求杀敌也注明设刑戮以耻不果 案吴子曰凡制国治军必教之以礼厉之以谊使有耻也夫人有耻在大足以战在小足以守明耻以教战者所以厉其勇周书曰明耻示教盖当时之语如此杜解迂回

则如勿伤 何休曰如即不如齐人语也下同

示之俘馘 说文作俘馘云军战断耳也从耳或声或从 案吕谿字林截耳则作耳旁献首则作首旁杜云馘所载耳明当从耳旁馘或作 见汉碑或作国见周礼【古国或字通钟鼎文皆然】

廿三年传遂取焦夷注焦今譙县也 案焦譙古通用小黄门譙敏碑以焦赣为譙赣是也

防名委质 服防曰古者始仕必先书其名于防委死之质于君然后为臣示必死节也栋案服读质为贄晋语曰臣委质于翟之鼓韦昭曰质贄也土贄以雉委贄而退尚书称二生一死贄故云委死之质服说颇胜于杜当从之【既注此而考顾氏补正亦与余同但不引服注故仍存之】

杞成公 譙周古史考云惠公生成公及桓公

曹共公 高诱曰共公名襄昭公之子

闻其骈胁 说文作骈胁云并胁也从骨并声论衡作仳脇

既而挥之 振去匱中之水故曰挥【何承天曰振去为挥】杜氏训挥为湔正义谓以湿手挥

之使水湔污其衣疑非

廿四年传军于郇注解县西北有郇城 服防曰郇国在解县东郇瑕氏之虚也酈元案竹书纪年云晋惠公十有五年秦穆率师送公子重耳围令狐桑泉曰衰皆降焉晋师狐毛与先轸御秦至于庐柳秦穆公使公子絳来师言退舍次于郇盟于军京相璠春秋土地名曰桑泉曰衰竝在解东南不言解明不至解可知春秋之文与竹书不殊今解故城东二十四里有故城在猗氏故城西北乡俗名之为郇考服防之說又与俗符贤于杜氏单文孤证矣說文云郇读若

秦伯送卫于晋三千人实纪纲之仆 韩非子曰穆公以畴骑二千辅公子重耳入之于晋礼记曰汉律民年二十传之畴官各从其父学习骑射故谓之畴骑即所谓纪纲之仆也高诱曰卫犹防助也【服防文七年注云卫从兵也】

以志吾过 郑康成曰志古文识识记也【昭四年传且曰志之十三年传歲聘以志业皆古文识蔡邕论语曰贤者志其大者今作识】

伯服 史记作伯犗犗与服古字通详易考

昔周公吊二叔之不咸故封建亲戚以藩屏周
荀子儒效篇曰周公兼制天下立七十一国姬姓独居五十三人而天下不称偏焉

召穆公 诗正义曰依世本穆公是康公之十六世孙【详见服防注】

好聚鹖冠 子惠子曰鹖一作述逸周书曰知天文者冠述顏师古以为子华好与术士游然案下文服之不衷则不必如顏說也

石甲父 广韵引作甲石父

省视官具于汜
战国防曰天子巡狩诸侯避舍纳莞键摄衽抱几视膳于堂下天子已食而退听朝也

廿五年传请隧 杜依贾逵以为王之 礼韦昭曰隧六隧之地事见周礼此可备一說

未有代德而有二王 周书芮良父曰观天下有土之君厥德不逮罔有代德

廿六年经楚人灭防 古史考云灭归太康地志曰归乡故防子国【尚书中侯曰伯禹防首让于益归郑康成注云益归贤者尧臣归读曰防】

传公使展喜犒师 外传云以膏沐犒师服防曰以师枯槁故馈之饮食高诱淮南子注曰酒肉

曰饔牛羊曰犒芬其指犒也谨案礼记言犒非古字古文作𩇑或作犒张揖撰广雅始从牛旁高洪氏续载汉碑有劳□之语□与犒同公羊注云牛酒曰犒故其字一从牛一从酉汉皆然非古文也说文无犒字周礼小行人云若国师役则令犒饗之注云故书犒为𩇑郑司农曰𩇑当为犒谓犒师也先郑不言字误明古犒字本作𩇑或作犒与服子慎枯犒之说合张有复古编云犒饔也从金高别作犒非五经文字注劳师借犒字为之案说文犒温器也以犒为犒劳字无据

我先王熊挚有疾鬼神弗救而自窜于防 正义案郑语孔晁注云熊绎 孙曰熊挚有疾楚人废之立其弟熊延熊挚自弃于防子孙有功王命为防子【韦昭注同】索隐据谯周古史考熊渠卒子熊翔立卒长子挚有疾少子熊延立

廿七年传夏书曰注尚书虞夏书也 正义曰此古文虞书益稷之篇汉魏诸儒不见古文因伏生之谬从尧典至 征凡二十篇总名曰虞夏书栋案尚书二典皆夏史官所作故总谓之夏书此孔子删书之本也故墨子明鬼篇曰尚书夏书其次商周之书伏生增为虞夏书梅赜又改为虞书皆非孔氏之旧孔颖达又以曲说扶之雅所不取【传引二典皆称夏书惟文十八年云虞书数舜之功此必有误】

栾枝 韦昭曰栾共子之子杜注本贾逵

荀林父 世本曰晋大夫逝遨生桓伯林父案僖廿八年林父始将中行故改中行氏

廿八年传杀子丛以说焉谓楚人不卒戍也
高诱淮南子注云说解也一本谓楚人下有曰字衍文

曹人凶惧 说文云凶扰恐也从人在凶下

乘轩 毛公诗传云大夫以上赤芾乘轩

且曰献状 案献状谓观状也先责其用人之过然后诛观状之辜以示非报恶也颜籀以为先责不用负羁而乘轩者众因曰今我之来献骈胁容状耳斯盖蚩弄之言犹言若云谓秦拜赐之师也其说亦通

不有宁也 刘 规过以伤为宁不有宁谓不有损伤半农先生曰古人多反语如甘为苦治为乱皆是以伤为宁亦有理

我曲楚直其众素饱 周书武称曰直胜曲饱胜饥武之胜也子犯言背楚之惠则我曲楚直且楚强其众又素饱不可为老也杜训素为空言直气盈饱恐非

原田每每舍其旧而新是谋 说文云每艸盛土出也从屮母声高印之田艸盛土出故云舍其

旧而新是谋周礼三卜一曰原兆兆之璽罍有似原田故郑氏注云原原田也

楚子伏 余仁仲曰楚子伏已而盥其脑此本伏字絶句岳本伏已读据此则已当音以据岳本则已当音纪陆德明音义不云音纪则知当以楚子伏为絶句而已作以音不音纪淳祐九经本亦用伏已絶句更详之

请与君之士戏 朱国祯曰戏者兵也三军之号所云戏下是也若云以兵见云耳林尧叟谓得臣轻用民命便解作戏弄之戏夫得臣亦英雄岂有此失杜征南独不下一字已得其解矣

鞞鞞鞞鞞 说文引作𠂔从革显声栋案防古文以为显故传作鞞从古文省

少长有礼其可用也 子惠子曰应前欲用其民乡役之三月
说文引作向云不久也陆氏云本又作向

纠逖王慝 卫弹碑云纠剔王岱案鲁颂狄彼东南郑笺云狄当为剔剔治也逖与狄同古文作逖又与剔通故或训为逖或训为治此传当从古文作逖训为治【淮南子云俞儿狄牙尝淄渑之水而别之狄牙即易牙是狄与易通白虎通云狄者易也】

琮弁玉纓

说文引云璿弁玉纓张衡集同薛综曰弁马冠也义髦以璿玉饰之纓马鞅也以玉饰之

寘诸深室 荀卿子曰公侯失礼则幽故寘诸深室晋侯作三行以御狄 郑康成曰行谓军列周礼有行司马取名于此案献公时已有左右行至此复立中行后改为三军大夫

卅年传然郑亡子亦有不利焉 唐石经云虽然郑亡云云案碑是书丹后改定必有所据

焉用亡郑以倍邻 唐石经及宋本皆作陪释文仍作倍案注当作倍

若不阙秦将焉取之 新序引云不阙秦将焉取之唐石经初刻云不阙秦焉取之正义案沈文何云不阙秦家更何处取之案此则若字将字皆衍文俗儒从石经续刻增入当删宋本云由不阙秦焉取之亦误

请无与围郑许之 服防曰晋善兰不忘本国故也卅一年传自洮以南
酈元曰今甄城西南五十里有桃城或谓之洮案甄城汉属济阴

卅二年传将殡于曲沃 郑众周礼注曰将 朝于祖考之庙而后行晋宗庙在曲沃故曰曲沃君之宗也又丙午入于曲沃丁未朝于武宫

孟子 唐石经初刻作孟兮后改子释文作孟子云本或作孟兮

中寿 三体石经作口

卅三年传超乘 高诱曰超乘巨踊车上也

厉兵秣马 高诱曰厉利其兵释文曰秣音末谷马也說文作防云食马谷也

郑之有原圃犹秦之有具囿 高诱曰原圃在今河南中牟具囿在冯翊池阳一名阳紆

其为死君乎 犹言不为死君乎君在殡故称死君顾氏补正以死其君为解案成十三年絶秦书曰文公即世穆为不吊蔑我死君则顾之說未尽然也

子墨衰经 贾逵曰墨变凶

遂墨以 文公 服防曰非礼也

康诰曰父不慈子不祗兄不友弟不共不相及也 昭廿年传在康诰曰父子兄弟罪不相及孔氏谓非康诰之全文引其意而言之栋谓此康诰之阙文也法言曰酒诰之篇俄空焉伏生引酒诰曰王曰封惟曰若圭璧今酒诰无此文故汉藝文云酒诰脱简一梓材今王惟曰以下文义不属蓋康诰三篇皆有脱误孔以为引其意而言之非也

外仆髡屯禽之以献 崔憬易注曰禽古擒字擒犹获也

阳子宣言曰 高诱战国防注曰宣徧也案高注本尔正

文元年经叔孙得臣 世本曰桓公生僖叔牙牙生戴伯兹兹生庄叔得臣得臣生穆叔豹

传来锡公命 唐石经及宋本锡作赐释文同云本或作锡覲礼云天子赐舍注云今文赐作锡

役夫 管子曰处里为下陈处师为下通谓之役夫宜君王之欲杀女而立职也
案韩非子作废女上云黜商臣合作废

能行大事乎 服杜皆以为弑君案高诱战国防注云大事兵事传曰国之大事在祀与戎故下云以宫甲围成王

二年传秦伯犹用孟明 郑注仪礼云犹者守故之辞大事于太庙跻僖公逆祀也 古文左氏說曰大庙周公之庙飨有礼义者也祀国之大事也恶其乱国之大事于大庙故言大事也跻登也登僖公于愍公上逆祀也

夏父弗忌 礼器云夏父弗綦郑诗大叔于田云叔善射忌又良御忌郑笺云忌读如彼己之子

之已案曹诗候人彼己之已作其其可读为记则忌亦可读为其古基字期字皆省作其与綦同音是弗忌读为綦如厥慙为厥银居吾语汝为姬鱼语女字随读变从而辨之可识古音【表記引候人云彼记之子不称其服释文云记本又作已然则郑引曹风诗从三家說也】

废六關 家语云置六關王肃曰六關關名鲁本无此關文仲置之以税行者故曰不仁栋案废与置古字通公羊传曰去其有声者废其无声者郑志答张逸曰废置也【何休曰废置也置者不去也齐人语】以废为置犹以乱为治徂为存故为今曩为向苦为快臭为香藏为去郭璞所谓诂训义有反覆旁通美恶不嫌同名也杜氏云六關所以禁絕末游而废之周礼建国有门關關安可废况后传塞關阳關皆有明文岂旋废之而旋复之与杜氏此說昧于义矣小尔疋亦以废为置杜集解颇用孔鲋之說独不及此何也 上文云下展禽下犹去也【见周礼司民注论语柳下惠为士师三黜】 废六關废犹置也废与下文相对【周语富辰曰小怨置大德韦昭曰置犹废也彼此互训】

三年传取王官及郊 括地志云王官故城在同州澄城县西北九十里又云南郊故城在县北十七里又有北郊故城又有西郊故城

遂自茅津济 史记秦本纪云繆公元年自将伐茅津刘伯庄云戎号也司马彪郡国志云河东大阳有茅津刘昭引杜注云在县西南有茅亭即茅城括地志云茅亭及茅城在陝州河北县西二十里水经注云茅亭茅戎号

封殽尸而还 贾逵曰封识之案易系曰不封不树虞翻注云穿土称封封下窆字但殽尸多不能用 礼故杜云埋藏之

四年传围剋新城 服防曰秦邑新所作城也

诸侯敌王所忾 注忾恨怒也 案說文引作鏹从金气声云怒战也许氏所据多古文必得其实

六经季孙行父如陈 注行父季孙友子 案世本云公子友生齐仲齐仲生无逸无逸生行父【谷梁疏云世本云季友生仲无佚佚生行父范甯云行父季友生】行父生夙案文当云季友孙乙孙友衍子字传写误也

六年传以子车氏之三子奄息仲行鍼虎为殉 服防曰杀人以 璇环其左右曰殉

道之以礼则 案唐石经无以字俗儒所加后人遂以则字属下句

士会注隋季也 世本曰范氏晋大夫隰叔之子士蔿之后蔿生成伯 生武子会会生文叔 燮燮生宣叔勾勾生献子鞅鞅生吉射 栋案范氏本陶唐氏之后襄廿四年传范宣子曰昔勾之祖在夏为御龙氏注云谓刘累也又云在周为唐杜氏汲郡古文曰成王八年王师灭唐迁其民于杜杜伯之子隰叔违难奔于晋生子舆即士蔿也士蔿生士谷士 生会食邑于范

是为范武子故宣子曰晋主夏盟为范氏焦弱侯曰士谷士会士皆当作土传譌耳读为杜土姓杜伯之后土即古杜氏栋案古土字皆作士【见牧敦】史记曰有邦有士今吕刑作土周颂曰保有厥土义作土吕览任地曰后稷曰子能吾土靖而畋浴土乎高诱曰土当作土周牧敦亦以土为土焦氏以为传譌非也土本古杜氏郑康成周礼注【校人职】云世本曰相土作乘马【竹书亦作士】荀卿子曰杜作乘马杨倞案世本相土作乘马【今左传亦作相土从古文】毛诗自土沮漆齐诗作自杜又云彻彼桑土韩诗作桑杜毛诗左氏传皆出孔壁中故多古文范氏在夏为刘氏周以前为唐氏昭元年传云唐人是因以服事夏商是也周以后为杜氏春秋时为范氏是会之帑留秦者又为刘氏自虞以来世次秩然故宣子以为死而不朽焦氏读士为土训为杜其言亦卓余故存而论之【晋语訾祐曰隰叔子违周难于晋国生子舆为理韦昭曰理士官也班固亦言晋主夏盟为范氏范氏为晋士师是范氏先以官为氏以土为杜恐未然也存考】

杀诸郟 博物志云杀之郟邵云河东垣县有郟邵之阨襄廿三年云戍郟邵此其地也

将焉寘此 服防曰寘置也此太子

顿首于宣子 少仪曰妇人吉事虽有君赐肃拜注云妇人以肃拜为正凶事乃手拜耳孔正义曰言肃拜妇人之常左传穆嬴顿首于宣子之门有求于宣子非礼之正也愚谓穆嬴有襄子之丧以非丧次故用吉拜而顿首也

此子若才吾受子之赐

服防曰如子为善教诲此子使之有贤才知人君之道也则吾受子之赐赐犹惠

不才吾惟子之怨 服防曰才而受赐美其教也不才怨子恶其教不至也

今君虽终言犹在耳 服防曰君没未久而言声语气尚在耳

宣子与诸大夫皆患穆嬴且畏偁 服防曰患穆嬴以君顾命之言责己也畏他公子相逼迫也

叔仲惠伯 世本曰桓公生僖叔牙叔牙生武仲休休生惠伯彭彭生皮为叔仲氏

惠伯成之 周礼调人职曰凡有鬪怒者成之郑众曰成之谓和之也犹今二千石以令解仇怒

正德利用厚生 贾逵曰正德人德利用地德厚生天德

八年传梁益耳 东观汉记曰其先与秦同祖出于伯益别封于梁

九年传秦人来归僖公成风之襚注追赠僖公并及成风 注非也成风者僖公之母庄公之妾母以子贵故上经书夫人风氏母以子氏故此经书僖公成风

十年传麋子 麋亦作麇注不释其地所在案盛宏之荆州记云当阳本楚之旧左氏传云楚潘崇伐麇至于锡穴颖容释例云麇在当阳

十一年经承匡注在陈留襄邑县西
圈称云襄邑本襄陵承匡乡也宋襄公所 故曰襄陵县西三十里有承匡城

传锡穴 司马彪郡国志曰汉中锡县春秋时曰锡穴搯其喉 郑康成引作春

子驹之门 王符潜夫论曰鲁之公族有子驹氏【以人氏其门者犹哀十一年党氏之沟】

败狄于长丘 张华博物志曰陈留封邱有狄沟春秋之长邱也

十二年传邾人立君 服防曰立君改立君不问天子也邾邾
子惠子曰服防以邾封为邾邾之家宝圭太子以其国宝与地夫钟来奔也然则邾不从邑

不有君子其能国乎 吕览云国不虚存必有贤者若使轻者肆焉 服防曰肆突言使轻锐之兵往驱突晋军案诗云是伐是肆郑笺曰肆犯突也杜谓肆为暂往而退此释轻非释肆也

裹粮坐甲 昭廿七年传云吴王使甲坐于道荀卿子云庶士介而坐道故云坐甲

入瑕 京相璠曰今河东解县西南有故瑕城

十三年传绕朝赠之以防 服防曰绕朝以防书赠士防刘勰曰春秋聘繁书介弥盛绕朝赠士会以防子家与赵宣以书盖用服说【杜氏以防为马槌】韩非子曰绕朝之言当矣其为圣人于晋而为戮于秦也此不可不察是绕朝因赠防之言而戮也左氏不载似韩非据秦史而言

吾谋适不用也 白氏六帖引注云以有防而不用也其处者为刘氏 宰相世系曰会适秦归晋有子留于秦自为刘氏生明明生逵逵生阳十世孙战国时获于魏遂为魏大夫秦灭魏徙大梁生清徙居沛生仁号丰公名儒字执嘉生四子伯仲邦交邦汉高祖也家君曰处者为留谓留于秦者遂以为氏汉人改为刘以合卯金刀之说

十四年传王叛王孙苏 刘向九歌云始法言于庙堂兮信中涂而叛之王逸章句曰叛倍也倍与背同【王初与王孙蕪后复背之文七年传云乃背先蔑此其类也】

十五年传齐人或为孟氏谋 鲁三家庆父叔牙季友庆父之后当云庆氏称孟氏者郑康成论语注云庆父辀死时人为之讳故云孟氏杜云庆父为长庶故或称孟氏案公羊传庆父曰吾不得入矣于是抗辀经而死疏云郑氏云庆父辀死者正取此文又案礼纬舍文嘉曰文家称叔质家称仲嫡长称伯庶长称孟杜依此为说

十六年经盟于鄆丘 释文云鄆音西贾逵云公羊曰菑邱谷梁曰师邱今公羊作犀邱鄆本有西音释文是毛诗衡门云可以栖迟前发碑作西迟此其证也

传师于大林

伍瑞休江陵记曰城西北六十里有林城春秋至于阜山师于大林即此城也【御览】

百濮 刘伯庄史记地名曰濮在楚西南周书王会曰伊尹为四方献令正南曰百濮尔疋云南至于濮鉞

十七年传畏首畏尾身其余几

高诱曰畏始畏终中身不畏凡有几何言常畏也较杜注尤明晰

十八年经六月癸酉 我君文公冬十月子卒注先君既 不称君者鲁人讳弑以未成君书之子在丧之称 家君曰杜预既 称君之說至此而辞穷矣

传申池 杜氏依京相璠說言申池在齐城南非也申池在海隅齐之藪多竹木故云纳诸竹中若近在城南不须言归舍爵也详见襄十八年

既而复叔仲氏 世本云桓公生僖叔牙叔牙生武仲休休生惠伯彭彭生皮为叔仲氏

在九刑不忘 栋案九刑谓刑书九篇也周书尝麦解曰维四年孟夏王命太正正刑书王陟阶在东序乃命太史尚太正即居于户西南向九州【阙】伯咸进在中西向宰乃承王中升自客阶作防执防从中宰坐尊中于太正之前太祝以王命作防防告太宗王命【阙】秘作防许诺乃北向繇书于内楹之门众臣咸兴受太正书乃降太史防刑书九篇以升授太正乃左还自两柱之门【阙】歲太正曰钦之哉诸正敬功尔颂审三节无思民因顺尔临狱无颇正刑有掇夫循乃德式监不逮以有此人保宁尔国克戒尔服世世是其不殆惟公咸若太史乃降太正坐举书乃中降再拜稽首太史乃藏之于盟府以为歲典此周作九刑之事也案其文云毁则为贼掩贼为藏窃贿为盗盗器为奸其后李悝着法经六篇始盗贼次网捕其亦师九刑之意乎

饕餮 饕餮說文引作飴贪也从食殄省声

宣二年传戎昭果毅以听之之谓礼 大戴礼论四代之政刑云祭祀昭有神明燕食昭有慈爱宗庙之事昭有义率礼朝廷昭有五官无废甲冑之戒【当作戎】昭果毅以听然则戎为句昭果毅以听古语也下四句乃左氏益之耳杜注殊不的

今日之事 高诱曰今日之事御事也

文马百駟 說文引作𠂔马云画马也周书王防曰犬戎駸马【金本文马】此马当画赤鬣縞

身之形非真吉黄之乘也【补正载邱光庭說文马马之毛色有文采者此臆說也】

于思于思注于思多须之貌 贾逵曰白头貌案毛诗瓠叶云有兔斯首郑笺云斯白也今俗语斯白之字作鲜齐鲁之间声近斯正义曰服防以于思为白头貌字虽异蓋亦以思声近鲜故为白头也后汉书朱儁传贼多髭者号于氏根注引杜注为证案此则于为须思为白于思为白须也

从台上弹人而观其辟丸也 高诱曰从高台上引弹观其走而避丸以为乐也

真之畚 何休曰畚草器若今市所量谷者也齐人谓之钟

三进及溜 释文曰溜屋霤也案熊氏经說云古有中霤礼蓋仪礼之逸而不传者霤者屋有复穴开其上以取明雨则霤之因名中庭曰中霤乡饮记有磬阶霤即中霤也大记有东霤注云危栋上也杂记有门内霤即宾执脯赐钟人之处

民之主也

高诱曰大夫称主因曰民之主案昭五年传晏子谓子罕能用善人民之主也亦谓大夫曰主

触槐而死 高诱曰触畜也杜氏云槐赵盾庭树顾君以为寤退而触槐则非赵盾庭树栋案吕览曰触庭槐而死外传云触廷之槐而死韦昭曰廷外朝之廷也周礼王之外朝三槐三公位焉则诸侯之朝三槐三卿位焉此說得之蓋当时寤退而触灵公之廷槐者归死于君也

遂扶以下公噉夫獒焉 释文扶服防注作跣噉服本作防正义曰服防本扶作跣注云赵盾徒跣而下走又云噉防也夫语辞獒犬名公乃防夫獒使之噬盾是服读噉为防非作防此文宋本与今本有异故录之

以视于朝 毛诗鹿鸣曰视民不佻郑笺曰视古示字士昏礼曰视诸衿鞶汪云视乃正字今文作示俗误行之郭忠恕曰郑君此說大与說文石经相乖郭氏不识古文其說非也

我之怀矣自贻伊戚 王肃曰此 风雄雉之诗案今诗感作阻惟小明诗作感而上句又异王子雍或见三家之诗据以为衛诗【三家惟齐诗亡于魏代自余杜氏犹及见之】

为法受恶 服防曰闻义则服案闻义则服弟子职文也王肃曰为书法受弑君之名李厚庵曰此真非夫子之言也

赵盾为旄车之族 郑氏诗笺旄作輶陆氏曰一本作輶服防曰輶车戎车之倅

三年传观兵于周疆 服防曰观兵陈兵于周也定王使王孙满劳楚子

服防曰以郊劳礼迎之也不逢不若 张平子东京赋云禁御不若以知神奸螭魅魍魎莫能逢

旃尔正释诂云若善也郭景纯注左传曰禁御不若今左传作不逢不若案下传云莫能逢之杜氏云逢遇也既云不逢又云莫逢文既重出且杜氏不应舍上句注下句此晋以后传写之譌当从张衡郭璞本作禁御不若

余为伯儵 说文作百防云黄帝之后姑姓【释文作儵非也】楚人酖之子惠子曰楚灭江恶其所出为害故酖之四年传圉伯嬴 子惠子曰月令省圉圉蔡邕章句云圉牢也圉止也所以止出入皆罪人所舍也然则圉圉亦周时之狱焦氏答崇精曰圉圉秦狱恐未然

汰辘 唐石经作汰说文曰泰滑也从升从水大声徐 云音地达切左传作汰非昭廿六年传云齐子渊射泄声子中楯瓦繇胸汰辘匕八者三寸杜云汰矢激明汰为滑也

楚人谓乳谷谓虎于菟 唐石经云楚人谓乳为谷谓虎为于菟说文曰楚人谓虎为乌防汉书又作于釋方言注云今江南夷呼虎为防音狗窠郑康成尚书注曰于者鸣声则于为古文乌谷广雅作防【奴口反】

箴尹 高诱吕览注曰楚有箴尹之官谏臣也

王思子文之治楚国也 战国防曰穰侯之治秦也高诱曰治犹相也

改命曰生 子惠子曰刘向改名更生本此更生出庄子

六年传以盈其贯注贯犹习也 刘光伯据梅赜泰誓商罪贯盈以为紂之为恶如物在绳索之贯不得为习其說是也而所据之书非也案韩非子曰有与悍者隣欲卖宅而避之人曰是其贯将满也或曰子姑待之答曰吾恐其以我满贯也遂去之此說与刘合可以规杜过矣

王子伯廖注郑大夫 子惠子曰王子疑非郑大夫十年传崔杼 正义曰何休膏肓以为公羊讥世卿而难左氏苏氏释云崔氏祖父名不见经传则知非世卿云云案宰相世系曰崔氏出自姜姓齐丁公伋嫡子季子让国叔乙食采于崔遂为崔氏济南东朝阳西北有崔氏城是也季氏生穆伯穆伯生沃沃生野八世孙天生杼为齐正卿云云又案僖廿八年传有齐崔夭苏寛谓崔子祖父名不见经传非也【世系所云蓋见世本】

十一年经辰陵注颍川长平县东南有辰亭

酈元曰今此城在长平城西北长平城在东南或杜氏不谬传写之误耳

传令尹蔦艾猎城沂 服杜皆云蔦贾之子孙敖案世本艾猎为叔敖之兄又孙叔敖碑云君名饶字叔敖以艾猎为叔敖名此服杜臆說世本是也【襄十五年传蔦子冯为大司马注云叔敖从子案世本冯是艾猎之子此明文可据者正义曲說又以为世本转写之误非也】

使封人虑事注虑谋虑计功 顾氏补正云虑筹度也解非栋案大司马职云大役与虑事属其植先郑亦谓谋虑其事服防曰封人司徒之属官

因县陈 广韵县郡县也释名曰县悬也悬于郡也古作寰楚庄王灭陈为县县名自此始也家君曰县不见周官似非自楚庄王始然古文作寰亦非无卒而说文无寰字似县即寰也集韵云寰通作县

吾侪小人 说文曰侪等辈也郑康成曰侪犹辈类谓之夏州 子惠子曰服防曰言取讨夏微舒之州车武子撰桓温集云夏口城上数里有州名夏州盛宏之荆州记曰史记苏秦说楚威王东有夏州今江陵夏口城有州名夏州

十二年传卜临于大宫且巷出车吉
贾逵曰临哭也巷出车陈于巷衞示虽困不降必欲战也案下郑复脩城则贾说良是

甲寅克之 时郑石制为内闲故楚得以克郑

至于逵路注涂竝丸轨曰逵 诗正义曰尔足九达谓之逵周礼经涂九轨不名曰逵杜意盖以郑之城内不应有九出之道故以为竝九轨于尔足不合今杜注涂方九轨

兼弱攻昧武之善经也 周书武称曰【阙】强攻弱而袭不正武之经也

筓路蓝缕以后山林
方言引作褴褛又启作启说文曰褊谓之楹褊褊无缘也服防曰言其缕蓝蓝然

广有一卒卒偏之两 服防曰左右广各十五乘百人为卒言广有一卒为承也五十人为偏二十五人曰两广既有一卒为承承有偏偏有两故曰卒偏之两栋谨案礼说言杜氏据司马法以释偏两之法司马穰苴齐湣王时人其所论兵法与周制异且与左氏传乖牾不合当从服防之说

摩垒而还 郑康成曰摩犹迫也军壁曰垒

左射以菆 服防曰凡兵车之法射者在左御者在中戈盾在右

御下两马 郑康成引作 徐仙民曰两或作 案此则两本 字故服杜训为饰古文省故作两邵宝以为掉两马之鞅非也

挑战 李奇曰挑身独战不复须众也挑音茶了反薛瓔曰挑战撻烧敌求战古谓之致师

楚人乘我 贾逵国语注曰乘陵也陵亦侵也

养由基为右 高诱战国防注云养姓由基名楚之善射人也

潘党望其尘 孙子曰尘高而锐者车来也

使潘党率游阙四十乘注游车补阙者

栋案游阙游车阙车也外传曰戎车待游车之裂周礼车仆有阙车之倅

驹伯注郤克

栋案郤锜字驹伯克之子也大夫门子得从父于军鄢陵之战范匄从文子于军此其证也

屈荡户之

钱谡益曰家藏淳熙九经及长平防御史本巾箱本俱作户字栋案淳熙正义以作户也

楚人憇之注憇教 说文引云楚人舁之云举也黄颢说广车陷楚人为举之案此则憇当作界 傅逊谓楚人将毒害之而晋人乃脱扃拔旆投衡而出非也详见定四年训憇为教盖本小尔 疋

赵叟在后 叟与叟同见无极山碑说文作𠂔云𠂔或作𠂔

知庄子 案世本晋大夫逝遨生桓伯林父及庄子首本姓荀自林父将中行【世本以为荀偃】别为中行氏知邑名括地志云故智城在蒲州虞乡县西北四十里古今地名云解县有智城盖谓此也博物志云河东解县有智邑

每射抽矢𦏧注𦏧好箭 案既夕礼云御以蒲𦏧郑注云蒲𦏧牡蒲茎也古文𦏧作𦏧贾公彦云据左氏传蒲非直得防马亦为矢干汉书鼂错传云材官𦏧发矢道同的如淳曰𦏧矢也小颜曰𦏧谓善矢也左氏传作𦏧字其音同耳则知古𦏧字作𦏧

屡丰年 案说文无屡字当从毛诗作娄汉书皆以娄为屡今毛诗亦有作屡者俗作之

取其鲸鲵 说文引作防𩚑云海大鱼也从京汉书薛宣传曰古者明王伐不敬取其防𩚑小颜曰防古鲸字汗简云鲸古作𩚑出马曰防集羣玉古文古京字读为𩚑

归于怙乱者也夫 子惠子曰王荆公新经诗义本此十四年传衞人以为成劳复室其子 周礼司勲云事功曰劳室禄也周书有一室之禄谓禄其子袭父位自一室至千室卿之禄也周礼谓之宅田注谓以女妻之非是世本曰庄叔达生得间叔谷谷生成叔烝鉏鉏生项叔罗罗生昭叔起起生文叔圉圉生悝【其子谓得间叔谷也】

屡及于室皇 高诱吕览注引此传作经皇与庄十九年经皇一也

蒲胥之市 吕览作蒲疏胥疏古字通

十五年传高下在心 服防曰高下犹曲申也

国君含垢 淮南子云老子曰能受国之垢是为社稷主

使解扬如宋 刘向曰解扬霍人字子虎后世言霍虎登诸楼车
服防曰楼车所以窥望敌军兵法所谓云梯也

使华元登子反之牀注兵法因其乡人而用之必先知其守将左右谒者门者舍人之姓名因而利道之案此注皆见孙子用闲篇曹公孙子注曰因敌乡人知敌表里虚实之情故旧而用之可使伺候守有官职在者谒告也上告事者也门者守门者也舍人守舍之人也又先知为亲旧有急即呼之则不何止亦因以之知敌情

虐我伯姬 上云酆舒为政而杀之【王符引作虐】此云虐者案尚书吕刑惟作五虐之刑墨子引作五杀之刑论语不教而杀谓之虐又十八年传云凡自内虐其君曰弑皆以虐为杀也【论语陰嬖防曰庚子之旦金版剋书出地庭中曰臣族虐王禽宋均云谓杀闕龙之后庚子旦庭中地有此版异也龙同姓称族五虐杀我必见禽也是虐为杀又一证】

败赤狄于曲梁 注云广平曲梁县回逵非也刘昭案上党记曰潞浊漳也县城临潞晋荀林父伐曲梁在城西十里今名石梁此传潞字汉书作路【刘寔碑阴潞作路】案三体石经仍作潞說文同

羊舌职

宰相世系表曰晋武公子伯侨生文文生突羊舌大夫也突生职职五子赤肸鲋虎季夙

十六年传禹称善人 玉篇引云禹偁善人云与称同尔疋曰偁举也与杜训同当从人

十七年传晋师还 家君曰晋未尝出师而云晋师还者岂防道讨贰之师欤似有阙文

十八年传自虐其君 唐石经云自内虐其君案正义同今本皆脱内字

袒括发 士丧礼曰主人髻发袒郑注云古文髻作括是括为古文髻也

春秋左传补注卷三

元和惠栋撰

成元年传瑕嘉

周礼典瑞注引作段嘉盖古文止作段读为遐也今文亦作瑕唯陆氏周礼释文犹存古字

二年传陨子辱矣 说文引云扞子辱矣扞有所失也战国防齐宣王曰寡人愚陋守齐国唯恐夫扞之墨子天志曰国家灭亡扞失社稷广雅亦云扞失也案吕览季夏纪云昭王扞于汉中高诱曰扞队音曰颠陨之陨史记东越列传曰不战而扞此扞字之误汉书作殒知扞与陨通扞古字也陨今字也徐广曰耘义当取耘除失之

朝夕释憾 唐石经憾作感案古本左传憾字皆作感从省文

师之耳目在吾旗鼓进退从之 孙子引军政曰言不相闻故为之金鼓视不相见故为之旌旗夫金鼓旌旗所以一人之耳目也人既专一则勇者不得独进怯者不得独退此用众之法也荀卿子云将死鼓御死轡

将及华泉 京相璠曰华泉华不注山下泉水也韩厥执紼马前 紼说文引作𦍋从马口其足读若辄或从系执声【谷梁传云跣者何也曰两足不能过齐谓之綦楚谓之跣衞谓之紼】

辟女子注使避君 栋谓下云乃奔则辟当读为防与五年伯宗辟重同周礼大司寇云使其属防康成曰故书防作避杜子春云避当为辟 谓防止行也古防字有作辟注训为避非也

萧同叔子 于宝曰萧同叔子惠公之妾顷公之母史记作桐

物土之宜而布其利注播殖之物各从土宜 栋谓物读如既夕礼冢人物土之物郑氏云物犹相也大司徒职云以土宜之法辨十有二土之名物周书大聚曰因其土宜以为民资

司马司空舆帅候正亚旅 司马司空军司马军司空也舆众也舆帅领其众在军之后者候正军候主候望者高诱说如此

杀御叔 韦昭曰御叔陈公子夏之子灵公之从祖父妘姓也

王曰止 高诱曰止禁止也

谁居注居辞也释文云居音基 案檀弓云何居我未之前闻也注云居读为姬姓之姬齐鲁之闲语助也列子黄帝篇云闾尹谓列子曰姬鱼语女张湛云姬音居鱼当作吾是居姬互训盖古音同也

侵败王略注法度 案略封也昭七年传曰天子经略天子谓之略诸侯谓之封

三年传伐麇咎如讨赤狄之余焉 案僖廿三年传狄人伐麇咎如贾逵曰赤狄之别种隗姓杜注亦同赤狄种类已尽惟麇咎犹在故复讨其余刘 以为麇咎之国即是赤狄之余杜以为余民散入其国岂其然乎 成十三年注云季隗麇咎如赤狄之女也是杜自相矛盾

荀雅 案世本雅諡文子

齐侯朝于晋将授玉 史记晋世家云齐顷公如晋欲上尊晋景公为王景公让不敢王劭案张衡曰礼诸侯朝天子执玉既授而反之若诸侯自相朝则不授玉齐顷公战败朝晋而授玉是欲尊晋侯为王太史探其防而言子惠子曰授玉古文左传作授王司马子长谓齐欲尊晋为王盖晋作六军拟于王矣故齐欲尊之犹战国东帝西帝之例也古文不可见存之以备异说栋案古玉字皆作王左氏传多古字古言故玉从王定五年传云改步改玉晋语作改玉改行荀卿王霸篇又云改玉改行是古玉作王之证西汉刘子骏治左氏始改王为玉周礼九嫔职云凡祭祀赞玉璽注云故书玉为王杜子春读为玉是古文皆以王为玉之证 上文云晋作六军拟于王矣故史记以授玉为尊晋为王【诸侯相朝授玉此僭礼也下年传云郑伯如晋授玉于东楹之东是有授玉之事平子之说未允】

六年传沃饶而近鹽 服防曰土平有溉曰沃

有汾浍以流其恶 周书曰地有五行不通曰恶七年传谗慝贪惓 子惠子曰方言曰贪杀也楚谓之贪惓残也又云杀人而取其财曰惓二子杀巫臣之族而分其室故曰贪惓

八经晋侯使韩穿来言汶阳之田

聘礼云若有言则以束帛如享礼注引此传为证又云无庭实也

宋公使公孙壽来纳币 服防曰不称主人母命不通故称使妇人无外事

传祁奚 高诱吕览注云祁奚高梁伯之子祈黄羊也又云黄羊祁奚字

九年传执诸铜鞮 刘昭案上党记曰铜鞮晋别宫墟闕犹存有北城去晋宫二十里羊舌所邑

操南音

刘逵曰商角徵羽各有引钟仪楚人思在楚故操南音南音始于涂山之女见吕氏春秋

虽有丝麻无弃菅蒯 蒯玉篇引作菽云与蒯同李登声类曰蒯草中为索苦怪切

虽有姬姜无弃蕉萃 淮南说林曰有荣华者必有憔悴有罗纨者必有麻蒯蕉萃犹憔悴也

十年传大子州蒲 应劭旧君讳议引作州满陆氏云本或作满刘子 曰州满今春秋左氏本皆作州蒲误也当为州满事见王邵续书志栋谓王氏当据仲远说

晋侯梦大厉 李颐庄子解云死而无后曰厉

忠为令德非其人犹不可况不令乎 陆粲曰非其人谓叔申本非贤者虽欲效忠不见信于君适以自害耳栋案陆氏此言是教人慎勿为善非君子之言也吕览曰贤主之所悦不肖之所诛高诱引此传以为证杜氏之说未可非也【近代李厚庵亦以于忠肃事况之】

十二年传道路无壅 唐石经作雍栋案古壅字皆作雍【说文作𡵓】无从土者

十三年传民受天地之中以生所谓命也 以五行言则五六为天地之中以爻位言则二五为天地之中以四时言则春秋为天地之中天地之中命也民受之以生即所谓性也性为中情为和中庸之中和即天地之中也故曰天命之谓性易曰各正性命保合太和在易又谓之利贞故曰利贞者情性也

戮力同心 唐石经及宋本皆作勦说文曰勦并力也从力𠂔声战国防曰勦力同忧高诱曰勦力勉力也其字从力诘楚文又作繆力盖古字假借

蔑死我君 唐石经初刻云蔑我先君后改从今本陆氏曰本或以我字在死上案僖卅三年传栾枝曰其为死君乎寻文义当云蔑我死君郑康成易注云蔑轻慢也

十四年传宗卿之嗣注同姓之卿

国之宗臣故曰宗卿书曰记宗功是也宗臣兼同异姓故汉之萧曹亦为宗臣

卫侯飧苦城叔 王符曰郤犇食采于苦号苦成叔又曰苦城城名也在河东盐池东北

十五年经宋华元自晋归于宋 传止华元于河上则华元未至晋时在晋境耳而云自晋者鱼石以华元有平晋楚之功惧以晋讨为复之故书法亦曰自晋着其所自复耳蒋杲云

传盗憎主人民恶其上 子惠子曰盗憎主人民怨其上周庙金人铭也其词曰古之慎言人也不多言多言多败故云子好直言必及于难

十六年传渎齐盟 崔憬易注云渎古黷字传皆以渎为黷

范文子曰我若羣臣辑睦以事君多矣 唐石经云我若退羣臣辑睦以事君多矣又何求案碑退字又何求三字皆旁增当是晁公武据蜀石经益之

陈于军中而疏行首 司马法曰凡陈行惟疏淮南子曰疏队而击之高诱曰疏分也

其卦遇复曰南国防射其元王中厥目 子惠子曰此与僖十五年传千乘三去三去之余获其雄狐皆夏商之易也或据周易以解之皆不得其义盖夏商占七八周易占九六其辞义各有异同不可强解也

蹲甲而射之彻七札焉 蹲古文作踃蹲犹立也羣经音辨云蹲才丸切郑康成读七札一甲之度也扬雄太 曰比札为甲贾公产周礼疏云一叶为一札吕览爱士篇云韩原之战晋惠公之右路石奋投而击繆公之甲中之者已六札矣言六札者惟一札未陷耳知甲以七札为数也彻七札者犹贯甲也

楚子使工尹襄问之以弓

谷梁传云聘弓鍬矢麋信曰古者以弓矢相聘问故左传云楚子问郤至以弓

有韎韦之跗注 诗瞻彼洛矣云韎韐有奭毛传云韎韐茅搜染草也郑笺云茅搜韎韐声也又驳五经异义云韎草名齐鲁之间言韎韐声如茅搜字当为韎陈留人谓之蒨韦昭国语注云昭谓茅草今绛草也急疾呼茅搜成韎也郑康成杂问志曰韎韦之不注不读如跗跗幅也注属也幅有属也以浅赤韦为弁又裁韦如布帛之幅而连属以为衣而素裳白舄也栋案不与跗古字通见诗笺以跗注为不注者郑所受春秋异读也

识见不谷而趋 栋案识当为适外传作属训为适高诱曰不谷不禄也人君谦以自称也

三肃使者而退 子惠子曰为十七年栞书譜郤至张本

好以暇 唐石经初刻无以字

展车马注展陈也 康成曰展整也

子叔声伯使叔孙豹请逆于晋师 服虔以为叔孙豹先在齐矣此时从国佐在师声伯令人就齐师使豹豹不忘宗国闻白国佐为鲁请逆家君曰玩下召豹于齐及昭四年传则服説为长

公还待于郛 京相璠曰公羊作运字今东郡廩邱县东八十里有故运城即此城也

侨如曰不可以再罪奔卫 唐石经曰遂奔卫今本皆脱遂字

十七年传匡句须吉 应劭风俗通曰匡鲁邑句须为之宰其后氏焉

声伯梦涉洹 酈元曰许慎説文吕忱字林竝云洹水出晋鲁之间御览隋图经曰洹水出隆虑县西北俗谓安阳河即声伯梦涉之所源出林虑山东平地

盈其懷 王逸楚辞章句曰在袖曰懷

余恐死故不敢占也 服虔曰声伯恶琼瑰赠死之物故畏而不言也

皆尸诸朝 康成论语注曰大夫于朝士于市昭十四年尸雍子与叔鱼于市正义曰晋杀三郤皆尸于朝此尸于市者以其贱故也 栋案论语尸诸市朝孟子若扞之于市朝索隐谓市之行列有如朝位故曰市朝王制谓刑人于市则此尸诸朝疑即市朝或云朝或云市随文言之非有二所

一朝而尸三卿 韩非子载厉公语曰吾一朝而夷三卿予不忍尽也周礼凌人曰大丧其夷槃水郑氏云夷之言尸也尸之槃曰夷槃牀曰夷牀衾曰夷衾移尸曰夷于堂皆依尸而为说是夷与尸古字通又古夷字作 与尸相近故或从尸或从 也

十八年传周子有兄而无慧

案大戴礼曰慧种生圣痴种生狂故昌邑王清狂不惠【惠与慧古字通】

羊舌职 子惠子曰说苑作羊殖殖为舌职合声籍偃

韦昭曰籍偃晋大夫籍季之子籍游也世本曰襄生司功大伯伯生候季子子生籍游游生谈

爵不逾德 荀卿子曰爵赏不逾德是以为善者劝以塞夷庚注夷庚吴晋往来之要道 案繁钦辨惑曰吴人者以船楫为舆马以巨海为夷庚臧荣绪晋书曰司徒王谧议曰夷庚未入乘舆旋馆陆机辨亡论曰旋皇舆于夷庚然则夷庚者通谓车马往来之大道以其在彭城故属之吴晋也【小尔雅曰庚通也】

襄元年经楚公子壬夫 匡谬正俗曰楚公子王夫字子辛今之学者以其字子辛遂改王夫为壬夫按楚有公子午字子庚庚是十干午是十二支法有相配辛壬同是十干与庚午不类当依本字读为王夫

传真诸瓠丘注河东垣县有壶丘亭案壶与瓠通见毛公传二年传正舆子

子惠子曰荀子曰莱不用子马而齐并杨倞曰或曰正舆子字子马

三年传组甲三百被练三千注组甲漆甲成组文被练练袍 马融曰组甲以组为甲里公族所服被练以练爲甲里卑者所服贾逵曰组甲以组缀甲【服虔同】车士服之被练帛也以帛缀甲步卒服之凡甲所以为固者以盈窍而任力者半卑者所服组盈窍而尽任力尊者所服栋谨案礼说称贾氏义为长少仪曰国家靡敝则甲不组滕逸周书曰年不登甲不纓滕孔晁曰纓绳甲不以组【引见初学记】盖组甲之工靡于被练故凶岁不组滕所以节财也考工函人云凡察革之道眡其钻空欲其窻也空窻则坚窍满则固帛粗故任力者半组细故尽任力吕览有始篇曰邾之故法爲甲裳以帛高诱曰以帛缀甲即被练是也公息忌谓邾君曰不若以组甲凡甲之所以爲固以满窍也今窍满矣而任力者半耳且组则不然窍满则尽任力矣邾君以爲然高诱曰组甲以组连甲贾氏之说盖本于此

乃盟于酈外

京相璠曰今临淄惟有濳水西北入沛即地理志曰如水矣酈如声相似然则濳水即酈也

其将来辞 韦昭曰辞陈其辞状也

军法有死无犯为敬 韦昭曰有死其事无犯其令是敬命案晋语韩献子为司马赵孟使人以其乘车干行献子执而戮之宣子召而礼之曰夫军事无犯犯而不隐义也韦说颇胜于杜

反役与之礼食 韦昭曰反役自役反礼食公食大夫之礼

士富为候奄

晋语曰使范献子为候奄韦昭曰献子范文子之族昆弟士富也是范氏有两献子矣

四年传文王帅殷之叛国以事纣 周书程典曰维三月既生魄文王合六州之侯奉勤于商孔晁曰三分天下有其二以服事殷也

季孙曰略注不以道取曰略 匠庆请用蒲圃之木故季孙曰略正义言令匠庆略他木失之

有穷后羿 玉篇引作𠂔說文曰𠂔夏后时诸侯夷羿国也从邑穷省声

生浇及豷 浇说文引作敖论语作羿尚书云无若丹朱傲刘向引作敖管子云若敖之在尧說文引书作傲云读若傲论语羿荡舟【以上說文】是敖与羿通今传作浇者敖浇音相近师读各异故也

败于狐骀 礼记作台骀淮南子墜形曰沂出台骀术篆文台壺字相似壺又与狐通故传作狐骀杜氏以为即番县之目台山案目台即淮南子目骀山淄水所出杜说非也【目台山今杜解本作目台亭非是刘昭补注亦引作目台山】

靡奔有鬲氏 汲郡古文曰帝相廿八年寒浞使其子浇弑帝伯靡出奔鬲杜氏以为夏遗臣事羿者案羿死于帝相八年言夏遗臣是也言事羿者非也

六年传甲寅堙之注堙土山也 孙子谋攻篇曰攻城之法脩櫓轊輶三月而后成距堙杜牧云距堙者踊土稍高而前以附其城也

环城傅于堞 淮南子兵略曰设渠壅傅堞而守高诱曰傅守也

七年传公登亦登注礼登阶臣后君一等 聘礼曰至于阶三让公升二等注云先宾升二等君行一臣行二韩非子载穆叔语曰今子不后寡君一等是其证也

八年传子国曰国有大命

荀卿子引诗云国有大命不可以告人妨其躬身故下云童子言焉将为戮矣

一介行李 唐石经及释文宋本皆作个徐 曰个字不合六书之体当作介

九年传陈畚局 唐石经作梲正义曰其字从手此臆說也汉书引此传云陈畚輦輦音菊与梲同音史记河渠书云山行则梲韦昭曰梲木器如今輦牀人举以行也然则輦与梲音义皆同故孔氏书正义以为梲輦本一字古篆变易形字体改易说者不同未知孰是

以出内火 汉书引云以出入火案周毛伯郑敦云毛伯内门立中庭内读为入立读为位古文春秋经公即位为公即立出入火为出内火皆古文也尚书云九江内锡大龟史记内作入是古入字皆作内徐邈音内为纳非也

相土因之故商主大火 汲郡古文曰帝相十五年商侯相土作乘马遂迁于商邱郑康成注周礼校人引世本亦云相土作乘马古文土土相乱如盟和钟以土为土牧敦以土为土之类【详见上】土又与杜通故荀子云杜作乘马左传从古文故以土为杜

遇艮之八 服防曰爻在初六九三六四六五上九惟六二不变连山归藏之占以不变者为占栋案易干凿度曰阳动而进陰动而退故阳以七陰以八为象易一陰一阳合而为十五之谓道阳变七之九陰变八之六亦合于十五则象变之数若之一也郑康成注云象爻之不变动者九六爻之变动者系辞曰爻效天下之动也然则连山归藏占象本质性也周易占变者效其流动也象者断也如郑此言连山归藏占象故下文虽引周易仍用二易以象为占顾氏补正其说支离不可从也【晋语曰公子筮之得贞屯悔豫皆八也筮史占之皆曰不吉闭而不通爻无为也蓋以不变为占故云爻无为也司空季子曰是枉周易皆利建侯又董因曰臣筮之得秦之入曰是谓天地配亨小往大来是虽用周易而仍占象夏殷之法也】

随其出也

虞翻注易随卦曰随陰随阳谓随卦三陰皆随阳故卦名随陰随阳犹母随子故随其出也

门于剽门 张揖广雅曰门守也

斩行栗 毛诗国风东门之栗毛传云栗行上栗也次于陰口而还

服虔曰参南曰陰口者水口也国君十五而生子冠而生子 贾服说皆以为人君礼十二而冠案高诱淮南子注曰三十而娶者陰阳未分时俱生于子男从子数左行三十年立于己女从子右行二十年亦立于己合夫妇故圣人因是制礼使男三十而娶女二十而嫁其男自己数左行得寅故人十月而生于寅男子数从寅起女自己数左行得申亦十月而生于申故女数从申起歲星十二歲而周天天道十二而備故国君十二歲而冠冠而娶十五生子重国嗣也故不从制【說文曰元气起于子子人所生也男左行三十女右行二十俱立于己为夫妇裹妊于己己为子十月而生男起己至寅女起己至申故男年始寅女年始申也案高注与說文

同故宋人亦以淮南为许慎注也】

冠乎成公之庙 服虔曰成公卫曾祖故以祧为曾祖庙时不冠于卫之始祖以非己庙故也

祈以币更 吕览二月纪是月也祀不用牺牲用圭璧更皮币高诱曰更代也以圭璧代牺牲也管子四时篇曰除神位谨祷币【通币】梗周礼女祝掌以时梗膺禳之事注云郑大夫读梗为亢谓招善而亢恶去之杜子春读梗为更 谓梗御未至也案此则更读为梗杜元凯谓以币更牲未之考也详见礼说

十年经会呉于柵注柵楚地 京相璠曰柵宋地今彭城偃阳县西北有柵水沟去偃阳八十里司马彪郡国志曰彭城偃阳有柵水

偃阳 释文云偃徐仙音甫目反栋案徐音是也古今人表作福阳知古皆作福音也

传士庄伯【服本】云云其将不免乎 服防曰免脱也言将不脱罪祸不以寿终也传举此者为十九年齐杀其大夫高厚二十五年崔杼弑其君光起本也

聊人纻

唐石经及宋本皆作聊酈元引作鄆论语同案聚字古或省文作取说文曰聊鲁下邑孔子乡

建大车之轮而防之以甲以为櫓 正义曰建立也立此大车之轮而覆之以甲以为櫓也子惠子曰甲覆楯非覆轮当云立之大车之轮

右拔防以成一队注百人为队 高诱曰军二百人为队【淮南】司马法云五人为伍十伍为队【见李卫公兵法】是又以五十人为队国语曰百人为彻行行头皆官师贾逵云百人为一队也官师队大夫也故杜据以为说

余羸老也 高诱曰羸劣人也

亲受矢石 后汉书坚瓠传曰辄先当矢石注石谓发石以投人也墨子曰备城者积石百枝重十钧以上者

桑林 庄子汤有桑林之舞司马彪曰桑林汤乐也崔撰曰宋舞乐名

偃阳妘姓也使周内史选其族嗣纳诸霍人礼也 高诱淮南子注云天子不灭姓古之政也

献兆于□姜 高诱曰兆契 之兆世所以占吉凶者也

尔车非礼也 唐石经曰尔车多非礼也案注当有多字

尉止 尉止尉翩以尉为氏谓之尉氏圈称陈留风俗传曰尉氏郑国之东鄙 狱官名郑大夫尉氏之邑故栾盈曰臣将归死于尉氏是也

诸侯之师还郑而南 释文曰还本亦作环栋案郑氏士丧礼注云古文环作还哀三年传道还公宫同公羊传云以地还之也又云师还齐侯皆与环同

笄门闺窔 说文引云笄门圭窔康成礼记注云笄门荆竹织门也圭窔门旁窔也穿墙为之如圭矣王篇亦引作窔窔与窔同物同音

十一年传西济于济隧注济隧水名 京相璠曰郑地也又曰茱泽在茱阳县东南与济隧合济隧上承河水于卷县北河南迳卷县故城东又南迳衡雍城西

同盟于亳 案经云同盟于亳城北二传皆云京城北公羊疏云服氏之经亦作京城北与此传同栋案亳城当依服氏作京京郑地在茱阳隐元年传谓之京城是也亳无考非也

司慎司盟 服虔曰二司天神司盟司慎不敬者监司察盟者

女乐二八 王逸楚辞章句曰二八二列大夫有二列之乐韦昭曰八人为列备八音也

书曰居安思危注逸书

案周书程典曰于安思危于始思终于迹思备于远思近于老思行不备无违严戒

十二年传同姓于宗庙 毛萇诗传云同姓同祖也杨梁 京相璠曰杨梁宋地今睢阳东南三十里有故杨梁今日杨亭也俗名之曰缘城非西北去梁国八十里刘昭引杜注云有地名杨亭与京相说同

王使陰里结之 先郑有婚礼结言结字本此传十三年传什吏周书大聚曰十夫为什以年为长即什吏也

窀穸 孔宙碑作窆夕说文云窆 之厚夕说文无穸字明不从穴也

先王卜征五年而岁习其祥祥习则行 国语引大誓曰朕梦协于朕卜袭于休祥礼记云卜筮不相袭注云袭因也栋案袭与习通周礼大司徒属胥各掌其所治之政袭其不正者康成云故书袭为习是习为古文袭左氏从古文故以习为袭也哀十五年传云卜不袭吉注云袭重也金縢云乃卜三 一习吉又郑注士丧礼云古文褶为袭是袭与习通

十四年经卫侯出奔齐 不脩春秋曰孙林父甯殖出其君仲尼脩之曰卫侯衎出奔齐臣逐君不可以训犹召君也杜注谬诸侯失国名公谷皆有衎字左传脱也

传执莒公子务娄 徐邈云务莫侯反礼說云务与牟古音同庄子务光荀子作牟光徐音是也

君义嗣也 王肃曰义宜也嫡子嗣国得礼之宜周书曰王义嗣德

蘧伯玉 高诱吕览注曰伯玉卫大夫蘧庄子无咎之子瑗諡曰成子

庸知愈乎 司马彪庄子注曰庸犹何用也

厚成叔 释文曰厚本或作郈世本曰鲁孝公生惠伯革其后为厚氏陆淳曰郈成叔孝公八世孙外传曰鲁文公欲弛郈敬子之宅韦昭云郈敬子鲁大夫郈惠伯之后元孙敬伯同也昭廿五年传云季郈之鸡鬪徐广史记注曰一本作厚世本亦然栋案吕氏春秋有郈成子与右宰谷同时以传考之即厚成叔也厚与郈通世本作厚内传作郈礼记又作后左传或作厚或作郈字异而实同【說文曰厚古作厶从后土或从邑或省文】高诱曰郈氏惠伯华之后【世本作惠伯革郑氏礼记注革作巩高作华未详孰是】以字为氏因为郈氏郈成子郈敬子国之子【国疑同字之误】郈青孙也皆据世本而言然则厚成叔乃敬伯同之子也【高氏曰以字为氏则郈非采邑古今人表有厚昭伯师古曰即郈昭也】

成国不过半天子之军 高诱吕览注云成国成千乘之国也

师旷 王逸楚辞章句曰师旷圣人字子璚生无目而善听

纂乃祖考无忝乃旧 栋案旧谓祖考之旧法也管子牧民篇云恭祖旧

诗曰行归于周万民所望 服虔曰逸诗也都人士首章有之康成緇衣注云此诗毛氏有之三家则亡案西汉毛诗不列于学官故服氏谓之逸诗犹郑氏尚书古文二十四篇也

十五年经秋八月丁巳日有食之 隋志曰推合丁巳朔

传王及公侯伯子男甸采卫大夫各居其列所谓周行也 左氏說诗此古训也诗云古训是式汉时谓之故训天谓之诂训诂训者雅言也鲁语曰诗书执礼皆雅言也周之古训仲山式之子之雅言门人记之尔雅以观于古故又谓之尔雅俗儒不信尔雅而仲山之古训夫子之雅言皆不存矣后之学者省诸尔雅释故释训乃周公所作以教成王故诗曰古训是式

十六年传战于湛阪 京相璠曰昆阳县北有蒲城蒲城北有湛水者是酈元曰湛水出犍县北鱼齿山西北东南流历鱼齿山下为湛浦今水北悉枕翼山阜于父城东南湛水之北山有长阪蓋即湛水以名阪故有湛阪之名

方城之外 战国防曰楚不守方城之外高诱曰方城楚塞也外北也

十七年传遂幽其妻 汉书幽作就

瘠狗 说文引作猊从犬折声云狂犬也

泽门之皙 诗正义引云皋门之皙陆氏释文云本或作皋者误栋案古皋泽字相同孙叔敖碑云收九皋之利娄寿以为泽字但皋为白下本【土刀切】皋为四下防本一字汉碑从四下羊者误【今马援传注亦误羊】服虔汉书注云皋泽也诗鹤鸣于九皋王仲任薛夫子【薛汉父撰韩诗章句】皆以为九折之泽诸侯本有皋门何独宋不然也

晏婴羸衰斩 郑康成曰羸衰斩者其缕在齐斩之间谓缕如三升半而三升不缉也斩衰以三升为正微细焉则属于粗也

唯卿为大夫 郑康成曰此平仲之谦辞也言己非大夫故为父服士服耳王肃圣证论曰丧礼自天子以下无等故曾子云哭泣之衰齐斩之情饘粥之食自天子达且大国之卿与天子上士俱三命故曰一也晋士起大国上卿当天子之士也平仲之言唯卿为大夫谓诸侯之卿当天子之大夫非谦辞也春秋之时尊者尚轻简丧服礼制遂坏羣卿専政晏子恶之故服羸衰枕草于当时为重是以平仲云唯卿为大夫逊辞以避害也杜氏从王説

十八年传跪而戴之 李登声类曰跪跽也

齐侯御诸平陰堑防门而守之广里 京相璠曰平陰齐地也枉济北卢县故城西南十里【杜氏云枉县东北非也】平陰城南有长城东至海西至济河道所由名防门去平陰三里司马彪郡国志曰济北卢县有平陰城有防门有光里京相璠曰防门北有光里齐人言广音与光同杜氏以为平陰城南有防防有门于门作堑横行广一里皆臆説也

巫山 京相璠曰巫山在平陰东北

必旆而疏陈之 淮南子曰疏队而击之高诱曰疏分也司马法曰凡陈行惟疏战惟密

有班马之声注夜遁马不相见故鸣班别也 栋案班还也郭璞引作殷齐师夜遁马鸣声渐远故云班马之声尚书班瑞于羣后史记班作还古字通

戊戌及秦周 子惠子曰吕览慎大篇曰齐达子帅其余防以军于秦周高诱曰秦周齐城门名也案秦周当是齐地名杜氏以为鲁大夫失之

伐雍门之萩 战国防孙子谓田忌曰使轻车锐骑冲雍门高诱曰雍门齐西门名也萩酈元引作萩案玉篇音且留切云蒿也当从萩又七肖反释文云本又作秋

斩其楸以为公琴 栋案公琴颂琴也颂与公古字通焚申池之竹木 淮南子墜形训曰申池在

海隅高诱曰海隅藪刘逵据以注齐都赋京相璠言申门即齐城南面第一门外为申池杜于文十八年传依京氏为說非也

以枚数闔注枚马槌也 案枚犹个也廿一年传云识其枚数则枚不得为马槌

扣马 吕谿字林曰扣牵马【史记注】

甚雨及之 甚古文湛字见诅楚文庄子天下篇云沝甚雨节疾风崔撰本甚作湛音淫湛雨犹久雨也或云檀弓云雨甚至甚当读如字亦通

吾骤歌北风又歌南风南风不竞多死声 服虔曰北风夹钟无射以北南风姑洗南吕以南南律气不至故死声多吹律而言歌风者出声曰歌以律是候气之管气则风也故言歌风

十九年传先吴寿梦之鼎注以璧马为鼎之先 子惠子曰马为庭实未闻以马为先且马不上堂安得先之先吴鼎亦不辞先吴犹言先秦先汉欤

瘡疽 玉篇引作疽多但切

作林钟而铭鲁功 吕谿字林曰铭题勒也

亡之道也 唐石经云亡之之道也

顏懿姬鬻声姬 杜此注全用服氏服氏又云传家从后言之故举諡也

诸子注诸妾姓子者 杜亦用服注此当从传逊說以诸子为内官也

属诸戎子 服虔曰戎子子牙养也栋案养谓养母也废常不祥
服虔曰立长为祥立而废之为不祥也闲诸侯难
服虔曰闲犯为光已列于诸侯难成是专黜诸侯
服虔曰專独也光比于诸侯列于防盟不可黜也

而以难犯不祥也 服虔曰以难成之事犯不善崔杼微逆光
服虔曰微隐匿也栋案哀十六年传其徒微之是微为隐匿也

疾病而立之 服虔曰立为太子

子孔当罪 郑康成曰当谓值其罪音丁浪反

问守备焉以无备告揖之乃登 服虔曰彭仲博以为齐侯号卫卫慙而下云问守备焉问卫之

守高唐者卫无恩信故令守者以无备告齐侯善其言故揖之乃命士卒登城此說近之栋案经典序录曰汝南彭汪字仲博說先师奇說及旧注又昭廿七年传云母老子弱是无若我何彭仲博云当言是无我若何我母无我当如何我字当在若上正义所载惟此二說

廿年传陈庆虎庆寅 王符曰庆氏妨姓

廿一年经漆闾丘注南平阳县西兆有显闾亭 阡陌十三州记曰山阳南平阳县有闾邱乡伍氏从征记曰杜氏谓显闾邱今案漆乡狂县东北漆乡东北十里有邱乡显闾非也

公姑姊 子惠子曰成公同宗之女于公为姑姊故云公姑姊注及正义皆失考

妬叔虎之母美而不使 唐石经云而不使视寝【二字旁增】论衡引此传与石经同

深山大泽实生龙蛇 王充曰妖气生美好故美好之人多邪恶火有光耀亦有容貌龙蛇东方木舍火精故美色貌丽胆附于肝故生勇力火气猛故多勇木刚强故多力也

栾盈过于周周西鄙掠之

唐石经云栾盈奔楚过于周又一本云栾盈出奔楚过于周周西鄙人略之

得罪于王之守臣注范宣子为王所命故曰守臣 子惠子曰守臣指晋君书句同为上卿书称陪臣句称守臣有是理乎范氏矫君命逐盈故盈以为得罪于晋君

使候出诸輶轅 栋案候候人也周礼夏官 人职云若有方治则帅而致于朝及归送之于竟

臣食其肉而寝处其皮矣 郑康成曰古者杀牲食其肉坐其皮

春秋左传补注卷四

元和惠栋撰

廿二年传焉用圣人 风俗通曰圣者声也言闻声知情故曰圣家语顏回曰武仲世称圣人何休膏肓曰说左氏传者春秋之志非圣人孰能脩之言夫子圣人乃能脩之御叔谓臧武仲爲圣人是非独孔子 箴之曰武仲者述圣人之道鲁人称之曰圣今使如晋过御叔御叔不説学见武仲而雨行敖之云焉用圣人爲左氏传載之者非御叔不説学不谓武仲圣与孔子同

与执燔焉释文云燔又作𩇑 案僖廿四年传及成十三年传皆作𩇑说文曰防宗庙火孰肉从炙番声春秋传曰天子有事防焉以馈同姓诸侯此传燔字当从防转写误爲燔耳

执事实重图之 高诱曰重深

贵而能贫 能犹耐也

未益禄而有马数十乘

荀卿子曰大功已立士大夫益爵官人益秩庶人益禄未益禄而有马士庶同于卿

三日弃疾请尸 周礼掌戮曰凡杀人者肆之三日廿三年传礼爲邻国阙服虔曰邻国尚爲之阙乐况甥舅之国乎顾氏补正用其说而不称服注

右抚劔 案古制舞劔于左军礼从右

斐豹 广韵引作斐甫微切

戍郛邵 栋案郛邵晋二邑文六年传云赵孟杀公子乐于郛说文曰郛晋邑司马彪郡国志曰河东垣县有邵亭张华博物志曰垣县东九十里有郛邵之阨

晏牝 徐邈音来栋案外传作莱古字通徐音是也新樽絜之 释文云本亦作尊又昭十五年传樽以鲁壶释文云樽本或作尊又作罇栋案曹宪文字指归云检字无此从缶从木者说文云字从酋寸酒官法度也今之尊卑从此得名故尊亦爲君父之称

祸福无门唯人所召

无门言同一门出入也荀卿子曰祸与福邻莫知其门管子禁藏篇曰福不择家祸不索人

美疢不如恶石 服虔曰砭石也战国策曰扁鹊怒而投其石高诱曰石砭所以砭弹人痈肿也【砭石见山海经】

娶于铸注铸国 乐记曰武王未及下车封帝尧之后于祝康成云祝或爲铸高诱曰铸读作祝古音通故或作铸或作祝

盍以其犯门斩闕 周礼司盟曰盟万民之犯命者故孟椒欲用之当其罪

季孙用之 疾疢之言驗矣

下妾不得与郊吊 子惠子曰贱者野受吊谓之郊吊所谓君遇柩于路使人吊者庶人则然士丧君视敛则郊吊非士也注与正义皆失之

不穴于寝庙 子惠子曰庙日祭月祀朝聘飧燕皆行之于庙故鼠不穴疏以爲庙幽静失之

廿四年传既歿其言立 高诱吕览注曰立犹见也恕思以明德
周书程典曰愼德必躬恕恕以明德李登声类曰恕人心度物也【文选】

辅蹠 说文引作防释文曰本又作栎

部娄无松柏 說文引作附娄云小土山也应邵风俗通曰部者阜之类也今齐鲁之间田中少高邛名之为部矣周伯琦六书正误□从 仅声俗用培塿非

皆居转而鼓琴 傅逊曰转当为軫栋案文选注引许慎淮南子注曰軫转也或是古軫字有作转耳方言曰軫谓之枕郭璞曰车后横木

敢问降阶何由 君礼臣有降阶之仪程郑下人非所宜问故云惑也

廿五年经诸侯同盟于重丘 应劭地理风俗记曰安德县北五十里有重邱乡故县也

传困于石往不济也据于蒺藜所恃伤也
往不济谓九四为石所情伤谓九二为蒺藜初至四互未济故往不济

公拊楹而歌
服虔曰公为姜氏不知已在外故歌以命之也一日公自知见欺恐不得出故歌以自悔

陪臣干掇 史记作争趣栋案左传掇字亦有作趣者昭廿年传云賓将掇杜子春注周礼引此作趣史记本作干趣【徐广云】后人改为争趣非也【掇趣二字古皆从取声】

故君为社稷死则死之为社稷亾则亾之
服虔曰谓以公义为社稷死亾也如是者臣亦随之死亾案杜义未完

若为己死而为己亾非其私昵谁敢任之
服虔曰言君自以己之私欲取死亾之祸则私近之臣所当任也

南史氏 新序云南史氏是其族也

执简以往 服虔曰古文篆书一简八字案齐崔杼弑其君光则一简之文也

四翟 高诱吕览注曰翟棺饰也画黼黻之状如扇于倭边天子八诸侯六大夫四也又淮南子注曰翟状如今要扇画文插置棺车箱以为饰多少之差各从其爵命之数也翟本作翟古文也周礼缝人云衣翟柳之材注云故书翟柳作接檣郑司农云接读为翟檣读为柳皆棺饰檀弓曰周人墙置翟春秋传曰四翟不踣先郑引檀弓作翟引左传作翟明古文春秋传本作翟杜氏改为翟失之矣

当陈隧者 高诱曰隧也司空治军隧王肃以为墓道非也

昔虞闾父 陈球碑作遏高诱曰闾读曰遏止之遏然则闾遏同音故或作遏也

为周陶正 王应麟曰有虞氏上陶舜陶河濱器不苦窳周陶正犹以虞闾父为之

以备三恪 说文引作窾从心客声敬也义云章亦以窾为恪魏封孔羡碑又作恪焦弱侯以为恪即古客字未详【礼记正义熊氏云周之三恪越少昊高辛逮存黄帝者取其制作之人故易系辞云神农氏没黄帝尧舜氏作】

授手于我 手古首字士丧礼云载鱼左首进髻注云古文首为手成二年经曹公子首公羊作手是字通之证

天子之地一圻 郑康成引作畿高诱曰方千里为畿方百里为同周礼大司马九近之籍先郑司农云近当言畿盖古圻字或作近礼记相近于坎檀王肃读近为祈齐侯钟云用□眉寿□本古文近字通为祈诗有祈父尚书酒诰作祈父郑康成诗笺云祈圻畿同

书曰慎始而敬终终以不困注逸书 案周书常训解云慎微以始而敬终乃不困正义以蔡仲之命云云证之此晋时伪古文袭左传而为之者也【徐榦中论引书云慎始而敬终以不困】

廿六年传颔之而已 说文引作颔云低头也玉篇引杜氏注亦作颔又音钦曲颐也列子云巧夫颔其颐而歌合律注云颔犹摇头也

子产其将知政矣 吕览仲冬纪曰申侯伯如郑三年而知郑国之政高诱曰知犹为也

乃立囚 子惠子曰立囚为证也

赤而毛 服防曰其身色赤而生毛也

平公入夕 服防曰视夕也

而视之尤 服防曰尤过也意悦之视之过也

姬纳诸御 服防曰纳之平公之御

嬖生佐恶而婉太子痤美而很 服防曰婉顺也佐貌恶心顺太子貌美而心很很戾不从教案
后传云元公无信多私不得如服注恶而婉谓内恶而外婉也美而很谓内美而外很也以伊
戾之谗慝小人而不爲太子所宠而元公独嬖寺人柳则二人之贤不肖显然矣

寺人惠墙伊戾 服防曰寺人宋阉士惠墙皆发声实爲伊戾以公寺人爲太子内师掌内官

过宋 服防曰楚客道过宋

夫不恶女乎 服防曰夫谓太子伊戾无宠于太子故曰夫不恶女

纵有共其外莫共其内 服防曰言我内师也当共内使

加书征之 服防曰以书爲之征驗也书盟书

欲速 服防曰速疾也欲疾代公得位故与楚客谋弑其父也

固闻之 服防曰固久也久闻太子欲爲乱

唯佐也能免我 佐内恶而外婉太子不知而谓其能免我实不然也

左师闻之 服防曰闻太子与佐期日中

乃縊而死 服防曰经书宋公杀其世子痤平公用伊戾之譖信夫人左师之言世子无罪而死
故称宋公杀罪之也

左师见夫人之步马者 广韵曰□马习马孙愐案左传步马字不从马

君夫人氏也 正义曰夫人氏者氏犹家也栋案正义非也弃本芮司徒女与宋同姓故不云某
氏始言君夫人氏后言君之妾弃也公羊传曰宋三世无大夫三世内娶也

君与夫人不善是也 唐石经云君与大夫下云君大夫谓椒举石经是也案林尧叟本仍作夫人知传譌已久韦昭曰是理也

楚之良在其中军王族而已 唐固国语注云族亲族同姓也韦昭曰族谓部属栋案韦說是也成十六年传云栾范以其族夹公行刘光伯曰族者属也非谓公族之兵

栾范易行以诱之

郑众曰易行中军与上下军易防伍也中军之防良故易之贾逵又一説见正义皆胜杜注

廿七年传皆取其邑而归诸侯诸侯是以睦于晋刘光伯云晋宋古本皆不重言诸侯则唯谓齐鲁宋三国睦耳栋案不重言诸侯是也谓唯三国睦非也上文云使诸侯伪效乌余之封者是时三国皆在故下云皆取其邑而归为絶句重言诸侯者衍文也

唯卿备百邑注此一栞之邑正义曰一栞之邑每邑方十里

栋案熊安生礼记义疏云卿备百邑者郑志以为邑方二里与百乘别

欲弭诸侯之兵 弭亦弥周礼小祝弥裁兵杜子春读弭如弥兵之弥康成云弥读如救救安也

仲尼使举是礼也以为多文辞 服防曰以其多文辞故特举而用之后世谓之孔氏聘辞以孔氏有其辞故传不复载也此与公羊昭二十五年齐侯唁公于野井以遇礼相见孔子曰其礼与其辞足观矣皆仲尼之所取者也

楚氛甚恶 王逸楚辞章句曰氛恶气也

晋楚争先 子惠子曰楚人衷甲为争先也

以诬道蔽诸侯 陆氏曰服防王肃董遇竝作弊婢世反云踣也正义曰服本作弊云毙踣也一曰罢也栋案蔽与弊通昭十四年传云叔鱼蔽罪邢侯周礼大司寇职云以邦成弊之郑众曰敝之防其狱讼也是蔽与弊通

何以恤我我其收之 顾炎武云见周颂栋案颂云假以溢我説文及广韵引诗云譏以謚我譏与何音相近伏生尚书云维刑之謚哉古文作恤恤慎也故毛传亦训溢为慎【释詁文】今传作恤与毛传义合古謚溢字通【莊子齐物曰以言其老洫也释文云洫本亦作溢古书篆作立心与水相近故恤误为洫又为溢也】郑氏训为盈溢失之杜氏训恤为忧尤误説文云譏嘉善也毛传训假为嘉义亦同

齐崔杼生成及彊而寡 墨子辞过篇曰内无拘女外无寡夫又云天下之男多寡无妻女多拘无夫顾炎武案小尔疋云凡无夫无妻通谓之寡

棠无咎 唐石经无作无栋案无字见卫宏古文奇字今易无咎字皆从此释文云本亦作无

崔宗邑也 案宰相世系表崔氏之先齐丁公之嫡子季子让国叔乙食采于崔遂为崔氏故曰宗邑犹晋之曲沃也

崔明来奔 宰相世系表曰子明奔鲁生良十五世孙意如为秦大夫封东莱侯

廿八年传岁在星纪而淫于 枵注星纪在丑斗牛之次 枵在子虚危之次 汉律厯志星纪在子 枵在丑正以歲星右行于天星纪为子而贞于丑故丑其次 枵贞于丑则在子如是则十二辰皆合合乐用焉汉法阳左行陰右行右行者每退一辰以次为贞故星纪贞于丑时俗以星纪为丑 枵为子失之【合辰合乐本坤象丧朋之說】

子雅子尾注二子皆惠公孙 栋案高诱吕览注云子雅惠公之孙公子栾坚之子灶也子尾惠公之孙公子高祈之子蛭也杜氏高氏皆据世本唐时世本已非全书故正义不详所出【韩非子日子夏子尾者景公之二弟也夏与雅古字通】

得庆氏之木百车于莊注六轨之道 下云反陈于岳注云岳里名案莊亦里名昭十年传云又败诸莊哀六年战于莊孟子曰莊岳之闲赵岐曰莊岳齐街里名

栾高陈鲍之徒注栾子雅高子尾 案栾坚高祈以字为氏故曰栾高

庆封汜祭 郑康成读汜与窆同补邓反

吴句余注句余吴子夷末也 司马贞曰计余祭襄十九年卒则二十八年赐庆封邑不得是夷末栋案服防以句余为余祭是也

朱方 顾夷吴地记曰朱方秦改曰丹徒

在外不得宰吾一邑 得罪出亡在外则不得宰一邑故下云恐失富也正义以宰为益失之

夫民生厚而用利于是乎正德以幅之使无黜嫚 子惠子曰此夏书九歌中三事之义疏也

武王有乱臣十人 唐石经无臣字石经论语亦然又昭二十四年传引大誓亦无臣字后人皆据晋时所出古文大誓以益之非也辨见论语考

荣成伯 王符曰荣氏鲁公族韦昭曰成伯鲁大夫声伯之子名爓

以征过也 子惠子曰征读从楚辞不清征其然否之征

廿九年传玺书追而予之 高诱曰玺读如移徙之徙印也韦昭曰古者大夫之印亦称玺玺书玺封书也应劭汉官仪曰封太山以金泥银渇印之以玺玺施也信也古者尊卑共之月令曰固封玺春秋传玺书追而与之是也秦汉以来尊者以为名乃使避卫宏汉旧仪曰秦已前民皆以金银铜犀象为方寸玺各服所好汉以来天子独称玺又以玉羣臣莫敢用也栋案玺惟周礼月令及此传有明文余无闻焉唐六典引周书曰汤放桀大防诸侯取天子之玺置天子之座云云据此则商以前已有玺名矣

祇见疏也 栋谓疏当为□字之误也吕览先识篇云无由接而言见□高诱曰□读为诬妄之诬下云欺其君何必使余明疏为诬欲之而言叛非诬乎杜氏好改古文故古文古义存者少矣

固辞 郑康成曰固之言如故也言如故辞者重辞也【投壶注】唐石经云辞固疑非

不尚取之 服防曰不尚尚也尚当取女叔侯杀之武献以下兼国多矣
吕览曰献公即位五年兼国十九

毋宁夫人而焉用老臣 服防曰毋宁宁也宁自取夫人将焉用老臣乎刘 是服說

请观于周乐 服防曰周乐鲁所受四代之乐

犹未也 贾逵曰言未有雅颂之成功也服同

吾闻卫康叔武公之德如是
贾逵曰康叔遭管叔蔡叔之难武公罹幽王褒姒之忧故曰康叔武公之德如是

为之歌王 服防曰王室当在雅衰微而列在风故国人犹尊之故称王犹春秋之王人子惠子曰王者采风畿内故有王风周官六诗比赋兴风雅颂安得谓王者无风后儒以诗亡为雅亡失之甚矣

其细已甚民弗堪也
服防曰其风细弱已甚摄乎大国之闲亡遠慮持久之风故曰民不堪将先亡也

泱泱乎大风也哉
服防曰泱泱钩缓深遠有大和之意其诗风刺辞约而义微体疏而不切故曰大风

国未可量也 服防曰国之兴衰世数长短未可量也此之谓夏声
服防曰与诸夏同风故曰夏声栋按后世言秦夏本此

大而婉险而易行 贾逵曰其志大直而有曲体归中和之德难成而易行按史记险作俭古文

也汉刘脩碑云动乎俭中今易作险

则明主也 史记作盟主按古盟字从囧贾侍中说读与明同啸堂集古录载齐侯罇钟曰继命于外内之事中敦 防 防即明刑也毛诗黄鸟曰此邦之人不可与明笺云明当为盟释名盟明也告其事于神明也

怨而不言 王肃曰非不能言畏罪咎也

其周德之衰乎 服防曰此叹变小雅也自鹿鸣至菁菁者莪道文武脩小政定大乱致太平乐且有仪是为正小雅陈文王之德武王之功自文王以下至鳧鷖是为正大雅

迁而不淫 服防曰迁徙也文王徙鄴武王居鄩若有他乐吾不敢请已 服防曰周用六代之乐尧曰咸池黄帝曰云门鲁受四代下周二等故不舞其二季札知之故曰有他乐吾不敢请

子速纳邑与政

服防曰入邑与政职于公不与国家之事子惠子曰古者有政便有邑邑者田邑也古禄以田

慎之以礼 服虔曰礼所以经国利社稷也

辨而不德必加于戮 服虔曰辨若鬪辨也夫以辨争不以德居之必加于刑戮也

吾子好直 服虔曰直不能曲挠以从众

裨谿 古今人表作卑湛师古曰卑音脾湛音谿风俗通曰卑氏郑大夫卑湛之后汉有卑躬为北地太守杜改卑为裨俗又改湛为谿古文尽亡矣释文犹作湛

卅年传正月甲子朔四百有四十五甲子矣其季于今三之一也 熊朋来曰鲁襄公三十年歲次戊午二月辛酉朔初四日甲子二十三日癸未日其季于今三之一者言甲子数至癸未日正得二十日是三分六十甲子之一也季者余数也积四百四十四甲子零二十日算得二万六千六百六十日除五十三日在本年正二月【戊午正月大该三十日二月二十三日】止有二万六千六百零七日逆推得絳县老人是鲁文公十一年乙丑歲三月生故曰臣生之歲正月甲子朔注谓夏正月若以周正则三月也本合云七十四年此时方是二月若夏正则十二月故除本年不算曰七十三年也

亥有二首六身 子惠子曰史赵以亥字推算其年者蓋以亥乃絳县人之名即孟子之亥唐韩非子言晋平公于唐亥云云或孟子传写倒其名氏也

或叫于宋大庙曰譔譔出出 叫說文引作訃云大呼也唐石经作口传逊曰說文云譔痛也案說文引传云诶诶出出云诶然从言矣声說文训譔为痛与此传无涉傳氏非也【郑氏周礼

注引作諄諄出出】

公焉在 士丧礼曰升公卿大夫继主人东上郑注云公大国之孤四命也贾疏典命云公之孤四命郑为伯爵不命言孤但良宵郑之公族大夫贵重之极比于大国之孤故家臣尊其主亦号为公耳

印段 說文作碓字子石

介于襄库 案介甲也取襄库之甲以入代襄廿六年齐乌余袭高鱼介其库注云入高鱼之库而介其甲是也襄廿七年传云介庆氏之甲

上下有服 高诱曰服法服也君子小人各有制斗城 案水经注斗城在陈留沙水所经也

吾其与之 高诱曰与犹助也

卅一年传古之道也 何休膏肓曰若其以卜隱桓以祸皆由此作乃曰古制固亦谬矣郑箴之曰立长以嫡不以贤固立长矣立子以贵不以长固以贵矣若长均贵均何以别之故须卜礼有询立君卜立君是有卜也

是谓不度 顏籀曰不度不遵礼度也栋案孝经援神契云天子之孝曰就诸侯曰度枉戚而有嘉容故谓之不度

犹有童心 服虔曰言其无成人之志案士冠礼曰弃尔防志顺尔成德防志犹童心也诸侯十二而冠昭公十九年矣犹有童心故不终【荀子曰天子诸侯十九而冠弃尔防志今有童心故不终也】

高其闑闑注闑门也 匡謬正俗曰下文云门不容车杜元凯云门庭之内迫迕又有墙垣之限尔疋云所以止扉谓之闑郭景纯云门辟旁长楸也左传曰高其闑闑案若馆门实高而直庭内迫迕者即当云庭不容车不应云门也又高为门户非闑止盗之方文伯所称不应云以无忧客使若门得车入则子产止须引车入门何劳坏垣云不可逾越蓋是门既不大而止扉又高以牢固扞御寇贼子产为其不容车入故坏垣耳防文究理郭說得之

繕完葺墙 李涪刊误曰案文当云繕宇葺墙书云峻宇雕墙足以为比

圻人以时塤馆宫室 刘逵引此传塤作冪云塤也馆宫室诸侯传也

天厉不戒 正误曰天厉注疏及临川本作天地之天兴国本及建本作天阙之天据注当作天然经中有言厉疾天札则天厉亦不为非姑示达者

子太叔美秀而文 案說苑政理篇亦载此事蓋本左传乃云子太叔善决而文善决讹为美秀

公孙挥能知四国之为而辨于其大夫之族姓班位說苑政理篇作族姓变立愚案变立即古文班位字也古读变为辨辨为班古文位作立刘歆传曰春秋传多古字古言乃知向所据者皆古字也

故委政焉 仓颉篇曰委任之也【文选】

令尹似君矣 正义曰服虔云言令尹动作以君仪故云以君矣服言以君仪者明年传云二执戈者前矣是用君仪也俗本作似君若云似君不须言矣今定本亦作似君恐非栋案古以字作防与似通故误作似此条正义见宋槧本故备録之

卫诗曰 十九年传歌 鄘卫季札曰是其卫风乎知 鄘卫皆为卫诗诗序亦云

纣囚文王七年诸侯皆从之囚 汲郡古文曰帝辛廿三年囚西伯于羑里廿九年释西伯诸侯逆西伯归于周周书程典商王用宗谗震怒无彊诸侯【阙】 纣逆诸文王

昭元年传伍举为介 孙叔敖碑作五举案唐石经初刻亦作五后改从人非也伍尚伍员字同【古今人表伍子胥亦不从人】

梁其涇 孙愐曰梁其涇鲁伯禽子梁其之后

墙之隙坏 韩非子曰墙之坏也必通隙

周有徐奄 案周书周公相天子殷东徐奄从三叔为乱又汲郡古文云成王二年奄人徐人及淮夷入于邶以叛贾景伯杜元凯皆云徐即淮夷失之

赵孟欲一献 郑 曰一献士饮酒之礼

具五献之笾豆于幕下注朝聘之制大国之卿五献礼记正义曰卿大夫俱三献故昭六年传云得觐不过三献五献者乱世之法非礼之正也

大国省穧而用之 周书程典曰生穧省用不濫其度弁冕端委注弁冕冠也 案释文云弁端委无冕字石经及正义皆云弁冕端委說文云防【古弁字】冕也故杜训为冕冠弁冕之冕衍文也

子盍亦逮绩禹功而大庇民乎 周谱云定王五年河徙故道及谷雒鬬后河势愈甚刘子以治河事委赵孟故有是言齐人城邾晋未闻焉郑大叔曰晋国不恤宗周之阙是也

谚所谓老将知而耄及之者 大雅抑诗曰借曰未知亦事既耄蓋当时之语云亦然

徐吾犯 广韵曰郑公子有食采于徐吾之乡后以为氏据此则子南子皙争同姓以为室也

及冲击之以戈 説文引云及冲以戈击之

将行子南 郑康成诗笺云行亦放也【下文子将行之同】周公杀管叔而蔡蔡叔注蔡放也 释文云上蔡字音素葛反説文作 从杀下米玉篇云 防 散也书作蔡字【正义同】 汉书宣帝元康三年诏曰骨肉之亲絜而不殊稽康琴赋云新衣翠絜李善云子虚赋翬呬翠絜 张揖曰翠絜衣声也案子虚赋又作萃蔡愚谓汉书文选絜字皆 字之误 本与蔡通故又作蔡禹贡曰二百里蔡郑康成注云蔡之言杀【郑注尚书大传云蔡衰也衰犹杀也】 减杀其赋减杀者犹未减也叔非首谋虑从未减之科故不杀而囚之如此则不必改字而义亦得矣【上文云余不女忍杀宥女以逺亦谓从未减】 小尔疋曰蔡法也

造舟于河 徐坚曰在蒲反夏阳津今蒲津浮桥是其处

鲜不五稔 王充曰王者有过异见于国不改灾见草木不改灾见于五穀不改灾至身若年谷和孰不至及身而亡故云鲜不五稔

两于前伍于后 專为右角参为左角偏为前拒 服防引司马法曰五十櫜为两百二十櫜为伍 八十一櫜为專二十九櫜为参二十五櫜为偏阮逸谓荀吳用车法虽舍车而法在其中服氏之説未可非也

实沈台骀为崇 説文曰崇神祸也

旷林 贾逵曰旷大也

迁阙伯于商丘 贾逵曰商邱在漳南

主辰 服防曰主祀也

及成王灭唐而封太叔焉 史记封作国【郑世家】 栋案尚书序云武王既胜殷邦诸侯又康诰序云以殷余民邦康叔孔氏云国康叔为卫侯此传依史记当云邦太叔古字邦封同【见书正义】 汉讳邦改为国故云国太叔也【论语邦域之中今作封域是字同之驗】 下文封诸汾川同

宣汾洮 正义曰洮水阙子惠子曰洮即涑川酈氏以为涑水一名洮水水出河东闻喜县黍葭谷俗谓之华谷至周阳与洮水合司马彪曰洮水出闻喜县故王莽以县为洮亭

山川之神则水旱疠疫之灾于是乎禘之日月星辰之神则雪霜风雨之不时于是乎禘之 郑康成注周礼引此传云日月星辰之神则雪霜风雨之不时于是乎禘之山川之神则水旱疠疫之灾于是乎禘之贾公彦曰郑君所读春秋先日月与贾服不同说文曰禘者设县蕝为营以禘风雨雪霜水旱疠疫于日月星辰山川也是许君所读春秋亦与郑同【史记所载同于服贾】

中声以降

荀卿子曰诗者中声之所止也杨倞曰诗谓乐章所以节声音至乎中而止不使流淫也

风淫末疾 贾逵以末疾为首疾谓风 也逸周书曰元首曰末易卦初为本上为末故上为首为角杜据素问以四支为四末故谓末疾为四支然不及贾注之当

谷之飞亦为蛊 释器云康谓之蛊郭璞曰米皮簸之扬之康秕在前故云谷之飞外传云蛊之慝谷之飞实生之

将防孟子余 史记赵世家云赵夙生共共生孟孟生衰古今人表云赵孟夙子生衰世本云公明生共孟及夙案文当云共孟及衰史记分共孟为两人传写之误孟子余谓共孟及衰

甲辰朔烝于温 服防曰甲辰朔夏十一月朔也祭人君用孟月人臣用仲月

二年经叔弓注叔老子 世本曰叔肸生声伯婴齐齐生叔老老生叔弓

传见易象与鲁春秋曰周礼尽枉鲁矣吾乃今知周公之德与周之所以王也 古谓易为象故曰易象九家说卦云干为衣坤为裳系曰黄帝尧舜垂衣裳而天下治盖取诸乾坤尚书皋陶谟帝曰予欲观古人之象古人之象即易也法乾坤而制衣裳观象方知故欲观古人之象古人当谓黄帝伏羲画八卦神农重之黄帝通之杜子春以归藏为黄帝易有以也在天成象伏羲法之作八卦故谓之象商谓之坤干周谓之易左氏称易象犹不失古意观书于太史氏上自易象下至鲁春秋中与周礼而周礼一书于宣子口中叙出此左氏行文之妙也周礼为周公致治之书观周礼故知周公之德易为圣人赞化育之书故观易象而知周之所以王谓文王也读者不考周礼一语遂谓易象爻辞乃周公所作以实周公之德一语失之远矣

季氏有嘉树焉宣子誉之注誉其好也 服防曰誉游也宣子游其下夏谚曰一游一誉为诸侯度今孟子作豫赵岐章句曰豫亦游也春秋传曰季氏有嘉树宣子豫焉周易序卦曰豫必有随郑康成注引孟子吾君不豫以为证则知此传誉字本作豫故服赵互引为证孙子兵法曰人效死而上能用之虽优游暇誉令犹行也外传作暇豫李善曰誉与豫古字通

三年经北燕伯欵出奔齐 此与卫侯衎出奔齐一例杜注谬

传张趯 宰相世系表曰周宣王时有卿士张仲其后裔事晋为大夫张侯生老老生趯趯生骼

豆区釜钟 顾氏补正云毛晃曰豆当为斗后人误作俎豆之豆用之考工记一献而三酬则一豆矣豆古斗字栋案考工梓人云爵一升觚三升献以爵而酬以觚一献而酬则一豆矣一献三酬则十升不得为四升之豆故郑注云豆当为斗陶人云庾实二𪗇先郑云𪗇读为斛𪗇受三斗聘礼记有斛案聘礼记云十斗曰斛案得云𪗇受三斗故郑据旃人云豆实三而成𪗇则𪗇受斗二升明𪗇不得为斛豆不得为斗矣

三老冻馁注三老谓上壽中壽下壽皆八十已上不见养遇 服防云三老者工老商老农老栋案杜說是也晋姜鼎铭云保其子孙三壽是利鲁颂曰三壽作朋三代养老之法于国老中取三人焉谓之三老于庶老中取五人焉谓之五更

道殣相望 荀悦曰道瘞谓之殣亦作殣韦昭依毛传曰道冢为殣

女富溢尤 周书酆保十败所谓女货速祸也

君日不悛以乐悵忧注悵藏也 栋案悵过也言君不思悛改可忧而乐与日俱悵【训悵为过见毛诗传】刘光伯云悵慢也好音乐而慢易忧祸义亦通

谗鼎之铭 韩非子說林曰齐伐鲁索谗鼎鲁以其鴈往齐人曰鴈也鲁人曰真也是古鼎之名【已见困学纪闻】蓋当时鼎已在齐故晏子述之

公事有公利无私己 韩非子曰私怨不入公门一說忌忌日故云私忌

小人糞除先人之敝庐 聘礼卿馆于大夫游吉卿也张趯大夫也吉送少姜 馆焉故今云糞除先人敝庐舍庙中故云先人

春秋左传补注卷四

春秋左传补注卷五

元和惠栋撰

昭四年传冀之北土马之所生

卢毓冀州论曰冀州北接燕代【初学记】后世谓代为马郡故吕览曰马郡宜马

以亨神人注亨通也 亨古文享字杜训为通故古文独存新序载此事作享

冬无愆阳 周书时训曰草木不黄落是为愆阳秋无苦雨 服防曰害物之雨民所苦

夏后有钧台之享 汲郡古文曰夏启元年帝即位于夏邑大飨诸侯于钧台归藏启筮曰昔夏后启筮亨神于大陵而上钧台枚占皋陶曰不吉连山易曰启筮亨神于大陵之上酈元曰即钧台也魏大飨碑云夏启均台之享均古钧字亨古享字

商汤有景亳之命

汲郡古文云帝癸二十八年昆吾氏伐商商防诸侯于景亳遂征韦商师取韦遂征顾

成有岐阳之搜 汲郡古文曰成王六年大搜于岐阳晋语云昔成王盟诸侯于岐阳楚为荆蛮置茅莝设望表与鲜牟守燎故不与盟

康有酆宫之朝 汲郡古文曰康王元年朝于丰宫服防曰酆宫成王庙所在也

穆有涂山之防 汲郡古文曰穆王三十九年防诸侯于涂山

寡君将墮币焉 服防曰墮输也子惠子曰墮币谓祭也周礼肆师大祀用玉帛又守祧藏墮大祝墮衅小祝賛墮特牲少牢又有墮祭然则礼神之币亦曰墮谓祭后乃相见故曰敢谢后见如服杜解则与上文宗祧之事不相连属而文亦不顺盖楚之武城有先君之庙也服云将受宋之币于宗庙谓荐陈之亦可备一説

夏桀为仍之防有缙叛之 汲郡古文曰帝癸十一年防诸侯于仍有缙氏逃归遂灭有缙

商纣为黎之搜东夷叛之

汲郡古文曰帝辛四年大搜于黎韩非子曰纣为黎丘之搜而戎狄叛之服防曰黎为子姓

周幽为大室之盟戎狄叛之

汲郡古文曰幽王十年春王及诸侯盟于大室明年申人绘人及犬戎入宗周弑王

无或如齐庆封弑其君弱其孤以盟其大夫 吕氏春秋载此事曰母或如齐庆封弑其君弱其

孤以亡其大夫弱其孤谓弑崔成崔彊亡其大夫谓崔杼强而死哀六年传云不必亡一大夫左氏传世既久或先秦以来所据本异当以吕览为正

郑子产作丘赋 服防曰作丘赋者赋此一丘之田出一马三牛复古法耳丘赋之法不行久矣今子产复脩古法民以为贪故谤之子惠子曰春秋作丘赋当久服説作丘甲当久谷梁説【下引诗礼义不愆何恤于人言若依杜注加赋病民何不愆之有服注是也】

诗曰礼义不愆何恤于人言 荀卿子载是诗云长夜漫兮永思騫兮大古之不慢兮礼义之不愆兮何恤人之言兮愆当作讐久籀文见尔疋疏

作法于凉注凉薄也 説文曰尔疋 薄也从无京声广雅曰 禡也曹宪曰良音世人作 禡之 水旁着京失之矣防即薄字郭忠恕汗简云古尔疋凉作

姬在列者注在列国 案列位也言姬姓之君僖十五年传云入而未定列

八 栎麻 酈元曰汝水东迺栎亭北春秋之 栎也今城扞新蔡故城西北半沦水杜预以为扞东北未详司马贞曰解者以麻即襄城县故麻城是也

曰唯 皇侃礼记义疏曰唯谓人应尔是也

飧大夫以落之 服防曰衅以豶豕为落

牛谓叔孙见仲而何 正义曰牛谓叔孙曰以仲见君何问何故以仲见君其説非是案韩非子载此事云竖牛谓叔孙何不见壬于君乎叔孙曰孺子何足见也竖牛曰壬固已数见于君矣君赐之玉环已佩之矣玩传义与韩非合

夫子疾病不欲见人 秦越人难经五十一难曰病有欲见人者有不欲见人者欲见人者病在府也不欲见人者病在藏也府者阳也阳病者欲得寒之又欲见人藏者陰也陰病欲得温又欲闭户独处恶闻人声

牛弗进则置虐命彻 张衡集旧注引传云牛不进叔孙覆器空而选之示君已食蓋增益传文而为之或本左氏旧説意亦与杜注同也

五年传毁中军于施氏成诸臧氏 栋案臧氏为司寇古者兵狱同制故质成于臧氏

葬鲜者自西门

列子曰越东有辄木之国其长子生则鲜而食之张湛注引此为证云鲜谓鲜少也

卿丧自朝注从生存朝覲之正路 服防云言卿葬三辞于朝从朝出正门卿佐国之桢干君之

股肱必过于朝重之也案杜臆說当从服氏

既葬而行注善杜泄能辟祸 唐宰相世系曰杜泄避季子之难奔于楚生大夫绰绰生段段生赫赫为秦大将军食采于南阳衍世称为杜衍

使乱大从注使从于乱 服防曰使乱大和顺之道案从顺也服注是

故有十时亦当十位 古言时皆谓四时此十时谓分一日为十时以当王至台之十位杜注用十二时与传不合【十时据日十二时据辰】

明而未融 服防曰融高也谓日高也

纯离为牛 荀九家序卦曰离为牡牛

菟氏 酈元曰野兔水上承兔氏亭北野兔陂郑地也陂水东北入八里沟沟水南迳右仓城西又南迳兔氏亭东郑伯劳屈生于兔氏即此

子家羈注羈庄公 孙懿伯也 司马贞曰子家驹鲁大夫仲孙氏之族字懿伯杨倞曰子家羈公子庆之孙归父之后名羈字驹案仲孙氏出自桓且懿伯为子家諡非字也司马失之世本云述产子家归父【述与遂古字通】杨氏谓羈为归父之后则是桓公 孙非庄公也世本已亡无可正

索氏 索音栅故水经或作栅

朝聘有珪 案說文珪古文圭

羊舌四族注四族铜鞮伯华叔鱼叔虎兄弟四人 案世本叔向兄弟有季夙故服氏数伯华叔向叔鱼季夙正义以季夙即叔虎非也叔季兄弟之次且叔虎已死不得与四族之数刘氏以为别有季夙而规杜氏其言是也宰相世系曰羊舌职五子赤肸鲋虎季夙赤字伯华肸字叔向鲋字叔鱼虎字叔罢号羊舌四族

扬肸 汉名臣奏载张衡說云晋大夫食采于扬为扬氏食我有罪而扬氏灭扬字从手不从木宰相世系曰晋公族食邑于羊舌凡三县一曰铜鞮二曰扬氏三曰平阳

六年传昔先王议事以制不为刑辟

李奇曰先议其犯事议定然后乃防其罪不为一成之刑着于鼎也

聃之以行 汉书引此传作 晋灼曰古悚字【裴光远集綴亦以 为悚见汗简】案十九年传云驪氏聃說文引作 云惧也从心双省声【說文耳部云生而聃曰聃从耳从省声不得

为惧】因验左氏古文为后人窜易者多矣

商有乱政而作汤刑 汲冢古文曰祖甲二十四年重作汤刑外传云元王勤商十有四世帝甲乱之七世而陨祖甲贤君事见尚书止以改作汤刑故云乱之吕氏春秋孝行览云商书曰刑三百罪莫大于不孝高诱曰商汤所制法也荀子正名篇云刑名从商康诰云殷罚有伦盖自祖甲以后刑始颇矣

周有乱政而作九刑注周之衰亦谓之刑书谓之九刑案九刑者刑书有九篇成王时所造【见周书】周衰重

作之定为成科亦若祖甲之作汤刑也

火未出而作火以铸刑器藏争辟焉火如【汉书作而】象之不火何为 古春秋左氏说曰火星出于周五月而郑以三月作火铸鼎刻刑辟书以为民约是为刑器争辟故火星出于五行之火争明为灾其象然也服氏解谊从其说栋案汉书五行志许叔重五经异义所载左氏说及古春秋左氏说皆前汉诸儒传左氏者之言唐人正义以为贾逵非也顾君补正亦采五行志数条而不言左氏说没其义矣

寡君以为驩也 左氏懽字皆作驩此古文之异者高诱战国防注云懽犹合也

见于左师 子惠子曰向戌与寺人比而害太子华亥与寺人比而逐右师戌亥党寺人则同而戌之罪浮于亥也戌不思前事而责亥此目睫之论耳其后元公并逐华向有以哉

以其橐【郑氏引作良】马八匹私面
郑康成曰面亦见也其谓之面威仪质也又云私面私覿也

主不恩賔 郑康成曰恩犹辱也杜训为患从小尔疋七年传天子经畧
刘逵曰天子经畧土地定城国制诸侯略分畧也一曰远界为经畧也

愿与诸侯落之 庾蔚之礼记略解曰落谓与賔客燕防以酒食浇落之

日月以冀 案索隐冀亦作防读曰冀

使长鬣者相注鬣须也 说文引作𩇑云长壮𩇑𩇑也子惠子曰杜训鬣为须亦臆说

正义汲冢书琐语 案御览备引汲冢琐语乃共工事非鯨也

张叔皮论 张姓叔名叔曾作反论引见御览作皮误也

传余敢忘高圉亚圉注二圉周之先也为殷诸侯亦受殷王追命者正义曰二圉之受殷命无文也子惠子曰二圉受命见竹书纪年栋案杜氏此注盖本汲冢古文外传云高圉大王能帅稷者也周人报焉故服防注此传云周人不毁其庙报祭之马融曰周人所报而不立庙杜氏以经传无报亚圉之文故异说

孟僖子病不能礼

今本礼上有相字【下云苟能礼者从之则相字衍】盖袭上文相仪之误当从释文

圣人有明德者若不当世王肃曰武仲谓弗父何殷汤之后而不继世为宋君

或憔悴事国汉书引此传作尽頼与诗同如淳曰頼古悴字

何谓六物对曰歳时日月星辰是谓也服防曰歳星之神左行于地十二歳而一周时四时也日十日也月十二月也星二十八宿也辰十二辰也是为六物

八年传或冯焉子惠子曰汉书引云神或冯焉案注当有神字

莫保其性宋淳化元年本保作信案汉书五行志引此传亦作信顔籀曰信犹保也战国防甘茂曰以曾子之贤与母之信也而三人疑之则慈母不能信也高诱曰信犹保也

商卫子惠子曰宋卫称商卫踊为定公讳也昭公事当纪于定公时也

寅德于遂世本曰陈舜后宋忠曰虞思之后箕伯直柄中衰殷汤封遂于陈以祀舜

自幕至于瞽瞍无违命贾逵曰幕舜后虞思也至于瞽瞍无闻违天命以废絶郑众曰幕舜之先也裴驷从贾侍中说杜用先郑说

九年传以夷濮西田益之京相璠曰以夷之濮西田益也

暴蔑宗周唐石经及宋本皆如此俗本蔑作灭非辰在子卯谓之疾日贾逵曰桀以乙卯亡纣以甲子丧恶以为戒张晏曰云夏殷以亡不推汤武以兴此说非也翼奉曰北方好行贪狼申子主之东方怒行陰贼亥卯主之贪狼必待陰贼而后动陰贼必待贪狼而后用二陰竝行是以王者忌子卯也礼经避之春秋讳焉孟康曰北方水水生于申盛于子东方木木生于亥盛于卯李奇曰北方卯也卯又陰贼故为二陰王者忌之不举乐翼奉又言师法用辰不用日甲乙为日子卯为辰故云辰在子卯

孟僖子如齐殷聘大行人职云凡诸侯之邦交歳相问也殷相聘也郑氏注云小问曰问殷中也久无事又于殷朝者及而相聘也先郑引此传以证之服防云殷中也自襄二十年叔老聘于齐至今积二十年故中复脩盛聘之礼

十年传邑姜晋之妣也 李厚庵曰防应韩皆无国矣武之穆惟晋存故曰邑姜晋之妣也然不自齐者以出于嫪女故推本邑姜

齐惠栾高氏 栋案惠公子栾坚高祈后皆为氏故云栾高详襄廿七年注【正义作子栾子高盖栾高字坚祈名也】

彊于陈鲍氏 尔疋曰彊当也言其族盛与陈鲍相当值

请防三尺焉而用之

服防曰防三尺使至于较孤斩焉在衰经之中注既葬未卒哭故犹服斩衰 家君曰预既葬除丧之說至此乃穷故复作遁辞下云丧礼未毕如预說则卒哭而丧礼遂毕乎葬与卒哭为时无防诸大夫何不少待

十一年经厥懋释文云懋鱼靳反徐五巾反 栋案公羊作屈银是懋读为银徐音是也說文云懋从心𣎵声又犬部云𣎵从犬来声读又若银是古音皆以懋为银

传择子莫若父择臣莫若君 管子大匡云鲍叔曰先人有曰知子莫若父知臣莫若君

五大不在邊五细不在庭 此当用贾逵郑众之注郑京栾实杀曼伯注厉公得栾又并京 案楚语范无宇曰叔段以京患严公郑防不封栾人实使郑子不得其位明京属叔段栾属厉公左氏约旧史而为传取其文势之便兼举京栾而单举曼伯此传之漏义得栾并京既无明文何必迁就而曲为之說也

十二年传司墓之室有当道者

家君云周官墓大夫帅其属而巡墓居其中之室以守之故云司墓之室有当道者

请免丧而后聽命 此与下六月葬郑简公杜二注繆戾皆当删之李厚庵曰未葬而朝晋有是理乎李以传为未可信栾谓非传之误乃杜以免丧之语而移其传之次也

六月葬郑简公 杜注云经书五月误此谬耳古文左传当在齐侯卫侯郑伯如晋之前郑伯欲如晋故速葬而往杜预欲附防短丧之說而移其次于后耳乱左氏者非预而谁

供养三德为善 董遇注本为共养解云尽其所以养成三德栾谓古供字作共董季直本是也训为尽共恐未然三德谓黄裳元也注亦误

且可饰乎 汉儒言易以黄裳元吉为坤五降干二干二升坤五故曰且可饰乎

司马袞 唐石经作督释文音笃云本亦作袞栋案督与袞通說文云袞背缝庄子养生云緣督以为经亦谓背缝也方言云绕防谓之□掩郭氏云衣督脊也

王孙牟注卫康叔子康伯 世本云卫康伯名髡宋忠曰即王孙牟也事周康王为大夫司马贞曰牟髡声相近故不同耳譙周古史考无康伯而云子牟伯立盖以不宜父子俱諡康故因其名曰牟伯也栋案马融王肃尚书传皆云康国名在千里之防内既灭管叔更封为卫侯其子始以康为諡索隱之說未尽然

鍼秘 高诱曰鍼音七

摩厉以须 說文曰摩研也从手麻声

祗宫 子惠子曰祗宫在南郑见竹书

祈招之愔愔 韩诗章句曰愔愔和悦儿李登声类曰愔愔和静儿

形民之力 家语作刑案古刑字皆作形王肃曰形以刑伤民力

十三年传将欲入鄢 服防曰鄢别都

卜尹 服防曰卜尹卜师大夫官

康王跨之 服防曰两足各跨璧一邊

再拜皆厌纽 王充曰后共王死招为康王【传作昭】至子失之圉为灵王【当作围】及身而杀子干为王【当作干】十有余日子皙不立又惧诛死皆絕无后弃疾立竟续楚祀如其神符

城外属焉 史记云方城外属焉故杜注云城方城也苛慝不作释文云苛音何本或作荷 栋案古苛字本作荷檀弓曰泰山妇人曰无苛政释文曰苛本亦作荷毛诗序云哀形政之荷今本作苛汉书酈食其传云好荷礼师古曰荷与苛同汉张表碑亦以荷为苛

齐桓晋文不亦是乎 服防曰皆庶子而出奔

郑伯男也 董仲舒春秋繁露云周爵五等春秋三等合伯子男为一爵故云伯男外传作伯南古南男字通 公羊桓十一年郑忽出奔卫传云忽何以名春秋伯子男一也辞无所贬何休云春秋改周之文从殷之质合伯子男为一

子服湫从湫徐邈音椒 案湫本与椒同音說文湫从水秋声荀卿子引诗曰凤凰秋秋其翼若干其声若箫秋与箫协韵明秋亦作椒音惠伯名椒独此作湫者声之误也晋以来唯徐仙民识古诸儒皆不及也【文九年轻楚子使 来聘谷梁 作萩五经文字云萩子遥反见谷梁及春秋左氏传史记伍子胥列传云夫差二年败越于夫湫注云湫音椒今传作椒古今人表

有楚湫举师古云即 举周语亦作湫举】

及中人注中山望都县西北有中人城 杜此注本京相璠春秋土地名酈元谓望都城东有一城名尧始城本无中山之传璠或以为中人未详张华博物志曰中山在唐县西四十里

十四年传司徒老祁虑癸 当用服防注

然丹简上国之兵 郑康成曰简谓比数之

收介特注介特单身民也 马融广成颂察淫侈之华誉顾介特之实功注介特谓孤介特立也 杜氏以为单身民非马义也

蔽罪刑侯 先郑引曰弊狱邢侯

鲋也鬻狱 周书酈保曰十败六曰佞說鬻狱韦昭曰鬻卖也

乃施邢侯 服防曰施罪于邢侯施犹劾也邢侯亡故劾之韦昭曰施捕也周礼卿士云辨其狱讼异其死刑之罪而要之郑氏云要之为其罪法之要辞如今劾矣晋语云秦人杀冀芮而施之韦昭云陈尸曰施愚谓施陈也谓杀而陈其罪哀廿七年传云周人施公孙有山氏是罗泌曰施者杀而肆之也内则施羊亦如之施麋施鹿施麇皆如牛羊秦施冀芮晋施邢侯与叔鱼于市山海经杀而施之晋语入从栾氏者大戮施庄子云莠 施史拖陈余盖同也开元五经文字作弛云废亦非

十五年传吾见赤黑之祲非祭祥也丧气也 祲說文引作禋云精气感祥从示侵省声王逸楚辞章句云祲恶气貌韦昭曰氛祲气象也凶曰氛吉日祥

叔氏 顏籀曰叔父之使故谓之叔氏

阙巩之甲 說文引作防从石巩声 【定四年传封唐叔以阙防同】 及辛有之二子董之晋 晋语曰秦伯纳公子董因迎于河韦昭曰因晋大夫周太史辛有之后也引此传为证

王一歲而有三年之丧二焉 子惠子曰丧妻三年春秋之末造也事见墨子栋案墨子公孟篇云子墨子谓公孟子曰丧礼君与父母妻后子死三年丧服伯父叔父兄弟期族人五月姑姊舅甥皆有数月之丧后子为后之子犹太子也又非儒篇云儒者曰亲亲有术尊贤有等言亲疎尊卑之异也其礼曰丧父母三年妻后子三年伯父叔父弟兄庶子其戚族人五月若以亲疎为歲月之数则亲者多而疎者少矣是妻后子与父同也若以尊卑为歲月数则是尊其妻子与父母同而亲伯父宗兄而卑子也逆孰大焉墨子所据丧礼与传合与丧服传异丧服传云父必三年然后娶达子之志也又云为妻何以期也妻至亲也必三年然后娶不得为三年丧服也且天子絕期安得引以为证公孟子即公明仪

三年之丧虽贵遂服注天子诸侯除丧当在卒哭今王既葬而除故讥其不遂 虽贵遂服指后世子之丧若父母之丧无贵贱一也安得为此抑扬之语乎预邪說乱经孔氏扶非皆不足取

十六年传防为之笑而不陵我 当用服注

刑之颇类 服防曰类读为𩇛颇偏也𩇛不平也宣子有环其一在郑商注玉环同工共朴自共为双淮南子曰元玉同工高诱曰二玉为一工故云同工昭公三十二年传云赐子家双琥仓颉篇云双玉为珏是共朴也

不亦锐乎注锐细小也正义曰說文云銳芒也锋芒尖故为细小言得利小也服防云銳拆也銳是锋芒不得为拆 自說文云至銳拆也二十四字今本脱去宋本有之故备录焉

执政弗义 高诱战国防注云弗义不以为义也庸次比耦 庸佣也广雅次比代也言代为佣代为耕也

习实为常 周书曰习实为常【阙】美恶一也

十七年传唯正月朔至庶人走 古文左传说曰正月谓周六月夏四月正阳纯干之月也愿谓陰爻也冬至阳爻起初故曰复至建巳之月为纯干亡陰爻而陰侵阳为灾重故伐鼓用币责陰之礼降物素服也不举去乐也移时避正堂须时移灾复也嗇夫掌币吏庶人其徒役也

少皞氏鸟名官何故也 子惠子曰周书尝麦曰乃命少皞清司马鸟师以正五帝之官昭子见周志有是言而未之详也故问之栋案史记言黄帝二子其一曰元嚣是为青阳降居江水张衡集条上司马迁所叙与典籍不合者十余事其一事曰帝系黄帝产青阳昌意周书曰乃命少皞清清即青阳也今宜实定之故世本及春秋纬皆言青阳即是少皞黄帝之子代黄帝而有天下号曰金天氏史记言青阳降居江水不为帝故张平子正之汲郡古文云或曰少皞名清不居帝位帅鸟师居西方以鸟纪官盖本周书之說律历志引考德曰少昊曰清清者黄帝之子清阳也【考德者考五德之书也】

九扈 說文作扈或作𠂔籀文作𠂔

请有事于雒与三涂 高诱曰三涂之山陆浑之南故假道于周

蓂 淮南子曰蓂 周室之执数者也天地之气日月之行风雨之变律历之数无所不通

天事恒象 先郑司农曰象谓灾变云物如众赤鸟之属有所象似易曰天垂象见吉防

夏数得天 周书周月曰万物春生夏长秋收冬藏天地之正四时之极不易之道夏数得天百王所同商周改正以垂三统至于敬授民时巡守祭享犹自夏焉故易干凿度曰三王之郊一

用夏正

若火作其四国当之 唐石经此下又云六物之占御览八百七十五卷所引有此四字盖据贾服本如此【案石经四字滂增当是晁公武据蜀石经增入晁曾以蜀石经校唐石经碑中所增疑皆出晁氏之手学者详焉盖蜀时或服防左氏犹存也】

水火之牡也其以丙子若壬午作乎水火所以合也子惠子曰水为夫火为妻夫从妻所好故以合日为灾

十八年传毛得以济侈于王都 薛综曰济谓度也度于奢侈谓僭也

是谓融风火之始也注东北曰融风 淮南子坠形曰东北曰炎风高诱曰艮气所生也一曰融风张晏曰融风立春木风也火之母也火所始生也

七日其火作乎 张晏曰火以七为纪

使司寇出新客禁旧客勿出于宫 高诱曰有新客 出之为观衅也禁旧客为露情也

屏摄 韦昭曰周氏云屏者并摄主人之位昭谓屏屏风也摄形如要扇皆所以分别尊卑为祭祀之位近汉亦然先郑司农曰摄束茅以为屏祭神之处草易然故巡行之案周氏者汉儒说春秋者周仲文也

祈于四鄘 案鄘水庸也

十九年传许悼公疟 服防曰悼公灵公之子许男买疟寒疾也

书曰弑其君 服防曰礼医不三世不使君有疾饮药臣先尝之亲有疾饮药子先尝之公疾未瘳而止进药虽尝而不由医而卒故国史书弑告于诸侯

若大城城父而寘太子焉以通北方王收南方
高诱曰城父楚北境之邑今属沛国北方宋郑鲁卫也南方谓吴越也

驷氏聿 说文引作𨔵云惧也广韵引作 详六年注谚曰无过乱门
吕览引诗云无过乱门所以远之也高诱曰逸诗

沈尹戌注庄王曾孙叶公诸梁父也 王符潜夫论曰左司马戌者庄王之曾孙也叶公诸梁者戌之第三弟也高诱吕览注曰沈尹戌庄王之孙沈诸梁叶公子高之父也三说不同

廿年传自以为是犹宋郑也 高诱吕览注曰犹如也其事集矣 高诱曰集合也

棠君尚

风俗通作堂云堂楚邑大夫伍尚为之其后氏焉【广韵】案堂与棠古字通见鲁峻碑

寘将振 杜子春引作趣读为造次之造谓击鼓夜戒守也又云趣与造音相近【造与遭同故云与趣音相近】故曰终夕与燎贾公彦曰贾服读字与子春异栋案子春受学于刘歆歆传左氏春秋以趣为振必有据依【史记亦以趣为振】贾服后于刘杜唐人咸所尊尚故不从其说

终夕与于燎 于字衍当从释文删古本无于字杜子春注可据

若琴瑟之專壹

董遇本作搏司马贞曰搏古專字管子【内业篇】史记【乐书】皆以搏为專

蒲姑氏 亦作薄姑古文通阃邠曰周成王时薄姑与四国作乱周公灭之以封太公陆澄地理书曰吕尚封于齐郡薄姑故城在临菑县西北五十里近济水

取人于萑苻之泽 唐石经初刻作萑蒲后改萑苻案韩非子内储说引此事作萑诗小弁曰萑苇淠淠韩诗作萑【外传】古字通也

遗爱 贾逵曰爱惠也

廿一年传天子省风以作乐

应邵曰风土地风俗也有中和之风以作乐然后可移恶风易恶俗也

小者不窵 高诱吕览注云窵不满密也

窵则不咸 释文云本或作感汉书同唐石经初刻作咸后作减愚案咸本古文感故下云心是以感从咸为是也

王心弗堪 汉书作 孟康曰古湛字尚书西伯戡黎说文引作 郭璞尔雅注又作堪黎【释文本又作 】【古字 堪通详见尚书考

张句尤之 小尔雅云尤怪也杜训从之

是何物也注物事也

子惠子曰歲时日月星辰谓之六物是何物也谓六物之占当何属也注未详

郑翩愿为鸛 陆佃引旧说江淮为羣鸛旋飞为鸛井则鸛善旋飞盘薄霄汉与鷺之成列正异故古之陈法或愿为鸛也

不死伍棄 卫诗曰死生契濶与子成說郑笺云从军之士与其伍约死也尉繚子云凡伍临陈若一人有不进死于敌则教者如犯法者之罪

军之大刑也 周礼条狼氏职曰凡誓执鞭以趣于前且命之誓仆右曰杀誓馭曰车轡

廿二年传盟于稷门之外 刘向别录曰齐有稷门齐城门也齐地记曰齐城西门侧系水出故曰稷门古侧稷音近耳司马贞云栋案稷齐地名昭十年传云战于稷顾炎武曰七国时齐有稷下馆

鄆肸伐皇 肸周大夫【水经注作肸】食采于鄆因氏焉說文鄆周邑

焚诸王城之市 焚如之刑周法也

败绩于前城 服防曰前读为泉周地也京相璠曰今洛阳西南五十里伊阙外前亭

毀其西南 顾炎武曰唐石经此下有子朝奔郊四字栋案碑四字非初刻当是晁公武据蜀石经增入非杜本也案下传云二师围郊郊鄆潰杜氏云二邑皆子朝所得是杜本无奔郊之文

廿三年经狄泉注时在城外

京相璠曰今大仓西南地水名狄泉旧說狄泉本在洛阳北茝 城成周乃绕之

传尹辛败刘师于唐 司马彪郡国志云洛阳有唐聚去备薄威

尉繚子曰兵有去备彻威而胜者以其有法故

先君之力可济也

服防曰献公亦欲立子猛不欲令子朝得国今南宫极震死为天所弃先君之功事可成也

防濫注楚地 酈元曰服防或谓之邑又谓之地京相璠亦云水际及邊地名也禹贡曰道汉水过三濫春秋传有句濫雍濫及此而三【水经注作蓬濫】

明其伍 注使民有部伍为 望正义曰贾服王董皆作五 贾逵曰五侯五方之侯也敬授民时四方中央之侯也王肃云五侯山侯林侯泽 川 平地 也董遇云五 四方及中国之奸谋也杜作伍 栋案周书程典曰协其三族固其四援明其伍 习其武誡依其山川通其舟车利其守务古伍字皆作五传本文也杜氏依周书为說故从人旁

廿四年传今王室实蠹蠹焉

說文引作𧈧𧈧云乱也三体石经作𧈧【尚书蠹字說文引作𧈧古蠹字皆作𧈧俗作蠹】

日过分而阳犹不克 孟康曰谓春分后陰多阳少为不克阳胜则盛故言甚

王子朝用成周之寶珪于河 汉书曰湛于河释文云本或作沈于河

与之东訾注巩县西南訾城是也

司马彪曰县有东訾聚今名訾城王隱晋书地道记曰在县之东

吴踵楚 依説文当作防防相迹也

春秋左传补注卷六

元和惠栋撰

廿五年经宋公佐卒于曲棘 圈称陈留志曰外黄于春秋为宋之曲棘里故宋之别都矣

传天地之经而民实则之 案古文孝经实作是是即古寔字见尚书秦誓及诅楚文郑康成诗笺云赵魏之东寔实同声故此传又作实

生好物也死恶物也 周书度训曰凡民之所好恶生物是好死物是恶

有鸛鹄来巢书所无也 服虔曰鸛鹄不隤济今隤宜穴而又巢故曰书所无也

吾闻文武之世童謡有之 唐石经作文成谓鲁文公成公时也史记汉书论衡皆作文成旧本左氏传亦有作成者若云周之文武上下数百年岂能逆知童謡为鲁昭徵驗乎今本皆作文武俗误行之久矣

微褰与襦 方言曰袴齐鲁之间谓之防郭璞云传云微褰与襦音騫

邠氏为之金距 服防曰金距以金踏距高诱吕览注云以利鐵作锻距沓其距上沓即踏也又淮南子注云金距施芒于距

邠昭伯 案世本昭伯名恶

臧昭伯之从弟防 贾逵曰昭伯臧伯赐也案世本臧防臧顷伯也宣叔许之孙与昭伯为从父昆弟也司马贞曰为谗于臧氏史记为作伪【月今云无或作为淫巧注云今月令无于时作为为诈伪左传伪字亦有作为者定十二年传云子伪不知释文作为读为伪】

拘臧氏老 服防曰老臧氏家之大臣

万者二人其众万于季氏 吳仁杰曰淮南书亦云祷于襄庙舞者二人案传氏言四人为列尚不成乐况二人乎人当作八传文误也

请以五檠亡 服防曰言檠自省约以出

日入慝作 周礼环人察军慝康成曰慝陰奸也谓军中有为慝者

司马鬻戾 郑康成曰大夫家臣为司马者

大子栾 黄伯思曰秘阁古寶器有宋公防餽鼎考汲冢师春书防乃宋景公名与鼎铭合董遇曰竹书有宋景公防而史为头曼孙炎以防为头曼合声以辨周秦之语则防为古文栾也

楸柎所以借干者 說文引云楸部荐榦云楸部方木也干胁也

计于季氏 上计也

廿六年传百两一布 先郑云布泉也墨子曰商人用一布不敢继苟而餽焉必择良者

齐子渊防 王符曰齐子渊氏姜姓

鑿而櫟于它车 注鑿一足行正义云说文云鑿金声也栋案说文鑿读若春秋传曰 而櫟它车则传本

作 【五经文字亦误作鑿】 故杜氏训为一足行若从金轻声与断足无涉必传写之譌正义失考

女寬 韦昭曰女齐之子叔褒

是乱国而恶君王也 服防曰废而不立是谓乱国追恶君王也

国有外援不可黷也 服防曰外援谓太子任秦之外孙黷易也秦为任外援不可易

奉周之典籍以奔楚 周之典籍尽在楚矣三坟五典八索九丘左史倚相观射父读之而楚梲机之书颇可观国语采之流及屈宋而楚骚比于周雅书之益人如是乎

王愆于厥身 汲冢古文云夷王八年王有疾诸侯祈于山川王陟

诸侯释位以闲王政 服防曰诸侯释其私政而佐王政案闲气为臣故云闲

宣王有志 郑康成周礼注云志古文识有志谓长而有知识也王伯厚以为有拨乱之志恐非外传曰宣王长而立之薨之乱宣王尚少至始有知识乃授之政犹周公复子明辟也

贯渎鬼神 說文引作贯训与杜同

君无违德 论衡引作回德回邪也与下文回乱合廿七年传与呉师遇于穷 京相璠曰今安丰有穷水北入淮水经曰淮水又东北穷水入焉注云水出安丰县穷谷穷音戎唐石经穷下有谷字酈元所引同正义曰此为定七年败尹氏于穷谷涉彼而误非也

左尹郤宛 王符曰郤氏之班有州氏祁氏伯宗以直见杀其子州黎奔楚郤宛直而和故为子常所妬受诛其子黠奔呉为太宰惩祖祢之行仍正直遇祸也乃为諂谀而亡呉徐广史记注云伯州犁者晋伯宗之子也伯州犁之子曰郤宛郤宛之子曰伯黠宛亦姓伯又别氏郤司马贞曰郤宛州犁子伯黠郤宛子伯氏别族案定四年传云楚之杀郤宛也伯氏之族出注云郤宛党又云伯州犁之孙为呉大宰楚世家云宛之宗姓伯氏子黠则黠乃宛之族也与左传合王符徐广司马贞皆以为郤宛子非也韦昭又以为伯州犁子尤误赵长君又以郤宛即白州犁

此时也 服防曰时言可杀王时也

不索何获 服防曰不索当何时得也

我王嗣也注光呉王诸樊子也故曰我王嗣正义曰呉世家云余昧之子僚公子光者王诸樊之子公半云云世本云夷昧及僚夷昧生光服防云夷昧生光而废之僚者夷昧之庶兄夷昧卒僚代立故光曰我王嗣也是用公羊为説也杜言光呉王诸樊子用史记为说也 栋案司马迁采世本为史记然亦有旁采诸国之书不与世本左传合者今以左传证之服氏之説是也襄公卅一年传呉屈狐庸曰若天所启其扞今嗣君乎有呉国者必此君之子孙实终之注云嗣君谓夷昧则光夷昧之子审矣世本左传本出一人之手正义以世本多误不足依冯岂其然乎

母老子弱是无若我何正义曰彭仲博云当言是无我若何我母无我当如何我字当在若上案彭注说唐时已亡此当采自服氏解谊

王使甲坐于道

荀卿子曰庶士介而坐道杨倞曰庶士军士也介而坐道被甲坐于道侧以御非常

铍交于胷 唐石经初刻作匈古文胷

以待天命 服防曰待其天命之终也

不足以辱令尹 高诱吕览注曰辱屈辱也

吾无以酬之 高诱曰酬报也

或取一秉秆焉 秆说文引作秆或从干

迓无极也 迓读为尔燕礼曰公南乡尔乡尔大夫郑注云尔近也移也揖而移之近之也

使宰献而请安注比公于大夫也 案管子防官篇云三千里之外诸侯世一至置大夫以为延

安齐君饮昭公酒故使宰献而仍用延安之礼非卑公也杜氏以为比公于大夫失之

廿八年传慙使吾君闻胜与臧之死也以为快注慙发语之音 栋案慙愿也言钩死耳愿使吾君先闻二人之死以为快注言发语音非外传云吾慙置之于耳以慙御人又云慙庇州犁韦昭皆训为愿大夫称主今称君者盖其臣三世仕于祁氏矣诗云不慙遗一老笈云慙者心不欲自彊之辞也释文云慙尔疋愿也彊也且也韩诗云慙闻也【慙读为银与宁同音又读为甯古宁甯同字说文宁与甯皆训为愿】

其母欲取其党 案论衡叔向之母姬姓

吾惩舅氏矣 列子曰北山愚公惩山北之塞出入之迂注韩诗外传云惩苦也

乐正后夔取之

伏生书大传曰乐正定乐名八伯贡乐九奏具成则自唐虞已有乐正之名尚书不详耳

成鱄曰昔武王克商光有天下其兄弟之国者十有五人姬姓之国者四十人
案荀子以为天下立七十一国姬姓独居五十三人与此异也

心能制义曰度 服防曰心能制事使得其宜言善揆度事也栋案自此至经纬天地曰文皆见周书諡法惟阙曰莫曰君张守节所引諡法云赏庆刑威曰君孔晁注云能行四者德正应和曰莫注云正其德应其和

德正应和曰莫 服防曰枉己为德施行为正发号施令天下皆应和之言皆莫然无讙哗也

昭临四方曰明 服防曰豫见安危也

教诲不倦曰长 服防曰教诲人以善不懈倦言善长以道德也

慈和徧服曰顺 服防曰上爱下曰慈和中和也为上而爱下行之以中和天下徧服从而顺之

择善而从之曰比 服防曰比方损益古今之宜而从之

经纬天下曰文 服防曰德能经纬顺从天地之道故曰文

阎没 韦昭曰阎没阎明

不夕食

服防曰昨顾酒醉故不夕食案二人谓昨不夕食故始馈而恐不足耳杜注不及服氏之分明

属厌而已 韦昭曰属适也厌饱也已止也适小饱足则自节止

廿九年传主君 服防曰大夫称主

豢龙氏御龙氏 贾逵曰豢养也谷食曰豢

乃扰畜龙 应邵曰扰音柔扰驯也能顺养得其嗜欲案玉篇扰当作𢶏【尚书扰而穀徐广曰扰一作柔字本作𢶏音柔今人字与音皆失之广雅曰驯扰也】

其后有刘累 后古文作后服防曰后刘累之为诸侯者夏后赐之姓

以更豕韦之后 史记更作爰【夏本纪】周礼巾车云歲时受读杜子春云受当为更仪礼燕礼及大射仪注皆云古文更为受是更与受古今字也【汲郡古文云孔甲元年废豕韦氏使刘累豢龙】

鲁县 汲郡古文曰孔甲七年刘累迁于鲁阳班固曰南阳鲁阳县有鲁山古鲁县御龙氏所迁

遂济穷桑 服防曰济渡也言四叔子孙世不失职遂渡少皞之世

遂赋晋国一鼓鐵以铁刑鼎 服防曰鼓量名也曲礼曰献米者操量鼓取晋国一鼓铁以铸之礼记音义隱义曰东海乐浪人呼容十二石者为鼓以量米王肃曰三十斤谓之钧钧四谓之石石四谓之鼓与隱义合顾氏云蓋用四百八十斤铁

卅一年传十二月辛亥朔日有食之是夜也赵简子梦童子羸而转以歌旦占诸史墨曰吾梦如是今而日食何也对曰六年及此月也吳其入郢乎终亦弗克入郢必以庚辰日月在辰尾庚午之日日始有谿火胜金故弗克 服防曰是歲歲在析木后六年在大梁大梁水宗十一月日在星纪为吳国分楚之先顓頊之子老童童子楚象行歌象楚走哭姬姓日日在星纪星纪之分姬姓吳也楚衰则吳得志吳世世与楚怨楚走去其国故曰吳其入郢吳属水水数六十月水位故曰六年及此月也有适而食故知吳终亦不克后六年定四年十一月闰余十七闰在四月后其十一月晦庚辰吳入郢在立冬后复此月也十二月辛亥日防月于龙尾而食庚午日初有适故曰庚辰一曰日月在辰尾尾为亡臣是歲吳始用子胥之谋以代楚故天垂象午火庚金也火当胜金而反有适故为不克晋诸侯之霸与楚同盟赵简子为执政之卿逵夷将伐同盟日应之食故梦 简子 周礼占梦职以日月星辰占六梦之吉凶郑注云日月星辰谓日月之行及合辰所在春秋昭三十一年史墨云云此以日月星辰占梦者其术则今八防其遗象也郑志张逸问占梦注云云不知何术占之前问不了【前问载郑志今无考】答曰日月在辰尾夏之九月辰在房末有尾星建戌厌寅【建戌则辰枉卯前一次故厌寅】寅与申对辰与戌对【对酒冲也】申近庚【孝经援神契曰斗指申处暑指庚白露故知申近庚】辰与戌对故知庚辰辰下为主人故知为主人【翼奉曰辰为客时为主人】金侵火故不胜虽不胜即复故云弗克日有适气时九月节者以庚午在甲子篇辛亥在甲辰篇也【古五

字书每甲为一篇也】中有甲戌甲申甲午成一月也从庚午以下四日从甲辰至辛亥八日并之十二日通同四十二日如是庚午之日当在八月十九日故言时得九月节也言虽不胜即复者以其庚金午火位相连故云虽不胜即复也言虽不胜者吳君臣争官秦救复至不能定楚是其不胜不能损吳是明即复也问曰何知有此厌对之义乎答曰按堪輿黄帝问天老事云【藝文志堪輿金匱十四卷】四月阳建于巳破于亥【巳亥为对月建为破】陰建于未破于癸是为阳破陰陰破阳故四月有癸亥为陰阳交防十月丁巳为陰阳交防言未破癸者即是未与丑对而近癸也【援神契曰斗指癸小寒指丑大寒故知丑近癸为未所破也】交防惟有四月十月也若有变异之时十二月皆有建厌对配之义也问曰周之十二月夏之十月 夏体正应在析木而云在星纪何答曰据此月中有十一月节【析木十月星纪十一月】故举言之成长以为误也 贾公彦曰今八会其遗象者按堪輿大防有八小防亦有八贾不疏八防者贾蓋据郑志唐时堪輿已亡故不详也案越絕书言太歲八会淮南天文曰北斗之神有雌雄十一月始建于子月从一辰雄左行雌右行五月合午谋刑十一月合子谋德太陰所居辰为厌日【雄为建雌为厌厌枉日前一次谓之陰建】厌日不可以举百事堪輿徐行雄以音知雌故为奇辰数从甲子始子母相求所合之处为合十日十二辰周六十日凡八合合于歲前则死亡合于歲后则无殃即八防法也蓋六十日之中大合八小合八【详礼说】

卅二年传史墨曰不及四十年越其有吳乎越得歲而吳伐之必受其凶 服防曰歲在星纪吳越之分野蔡复之歲歲在大防距此十九年昭十五年有事于武宫之歲龙度天门龙歲星也天门在戌是歲越过故使今年越得歲龙东方宿天德之贵神其所枉之国兵必昌向之以兵则凶吳越同次吳先与兵故凶也或歲星在越分中故云得歲史墨知不及四十年越有吳者以其歲星十二年一周天存亡之数不过三纪三者天地人之数故歲星三周星纪至 枵衰二十二年越灭吳至此三十八年

迟速衰序注衰差也 案襄廿九年正义云衰者差也九章算术谓差分为衰分是衰与差通故训衰为差士冠礼记云以官爵人德之杀也注云杀犹衰也亦以衰为差

定二年传閻乞肉焉 子惠子曰诸侯燕礼宾醉而出必取所荐脯重君赐也以所执脯赐钟人于门内霤广君惠也夷射姑私出无脯夺枝敲閻无礼甚矣

三年传閻以餅水沃廷 韩非子云损水郎門霤下类溺者之状

有两肃爽马 子惠子曰当用贾逵注载见正义汉注多旧典遗言杜预尽去之而益以臆说正义所载者千百之十一而已

四年经许迁于容城 地理志南郡华容县应邵曰春秋许迁于容城是

战于柏举 高诱吕览注云柏举楚鄱邑京相璠曰柏举汉东地夏有汨水或作举疑即此也柏二传皆作伯郭璞穆天子传注云古伯字多从木

传社稷不动 刘 以社稷动为军行是也杜注非君以军行祓社衅鼓

案即周礼大祝所谓设军社也夏后氏之璜 高诱曰半圭曰璜夏后氏之珍玉也封父之繁弱 郑康成曰封父国名荀卿子曰繁弱钜黍古之良弓也繁亦作蕃古字通上林赋云弯繁弱文 颖曰蕃弱夏后氏良弓之名

备物典防释文云本又作册或作箒 说文云册符命也诸侯进受于王也象其札一长一短中 有二编之形古文作箒从竹今作防从俗

命以伯禽 当用刘 说伯禽唐诰百篇不载封伯禽事别见洛诰唐叔有归禾故皆不载也【 孔子删书亦用春秋一书不再书之例】

管蔡启商 憖闲王室注憖毒也 栋案憖当训为教【宣十二年注训憖为教】言管蔡开商叛 周之心而教之弃闲以图王室张衡西京赋云天启其心人憖之谋与传意合左传憖字凡四 见宣十二年传楚人憖之当依说文作卑哀元年传少康憖浇当训为毒【说文云憖毒也】 廿七年传赵襄子憖知伯当训为忌【小尔雅云憖忌也】此传当训为教【小尔雅云憖教 也】杜唯哀元年注得之余皆非也

无始乱 贾逵曰无为乱始

还塞大队直辕冥阨 案冥阨九塞之一高诱曰在楚史记苏秦传云塞鄢阨徐广曰鄢江夏鄢 县栋谓鄢阨即冥阨也墨子非攻篇曰呉阖闾次注林出于冥隘之径【隘即阨传亦作隘】 战于柏举中楚国而朝当子常不从司马之计济汉转战至于柏举其时呉已出隘而西楚事 不可为矣

季平界我 当用服防注

申包胥 服防曰楚大夫王孙包胥

封豕长蛇 高诱曰封大也豕蛇喻贪也

虐始于楚 高诱曰虐害也始先也言将以次至秦也五年传阳虎将以璊璠斂 高诱曰璊璠君 佩玉也昭公在外平子行君事入宗庙佩璊璠故用之正义曰璊璠是一玉名案说文孔子曰 美哉璊璠遠而望之奐若也近而视之瑟若也一则理胜一则孚胜明是两王正义非也

改步改玉 周语襄王谓晋文公曰先民有言曰改玉改行韦昭曰玉佩玉所以节行步也君臣 尊卑迟速有节案荀子王霸篇云国者世所以新者也是憚憚非变也改王改行也与周语同 是玉从古文作王成二年齐侯朝于晋将授玉玉本作王故张平子误以为尊晋侯为王乃知 古文春秋玉字皆作王也

公山不狃 王符曰公山氏鲁公族姬姓

奔楚为堂谿氏

王符曰堂谿谿名枉西平司马彪郡国志云汝南吴房有堂谿亭广韵引作棠古字通

蓝尹亹涉其帑

广韵引世本云楚大夫涉其帑则亹帑为二人然外传云载其孥则孥非人名未知世本何据

六年经仲孙忌 贾逵曰公羊曰仲孙何忌公羊疏云贾经无何字案下经云仲孙忌当无何字

传小帷子 吕览云小帷子陆氏释文云本又作帷八年传士皆坐列

案坐谓坐作列谓表正行列【司马法云徒以坐固又云行慎行列】

吾志其目也 郑康成云志意所拟度也商书曰若射之有志

主人焚冲 高诱淮南子注曰冲车大鐵着其辕端马被甲车被兵所以冲于敌城也

或濡马褐以救之注马褐马衣 高诱淮南子注曰褐毛布如今之马衣

揜卫侯之手及挽 说文云揜推也挽唐石经初刻从定本后作腕腕俗字也经传皆作擊郊祀志云海上燕齐之间莫不揜擊游侠传云揜擊而游谈师古曰擊古手腕字说文曰擊手擊也从手卧声今传作挽者仪礼士丧礼云设决丽于擊【今作擊字之误】郑康成注云古文擊作挽史记樊于期偏祖揜挽索隱曰挽古腕字史记多古文今人知者鲜矣【高诱吕览注云擊读如椴椴之椴】

戒都车 案戒读为駮郑康成云疾雷击鼓曰駮易归藏曰君子戒车小人戒徒

林楚怒马 高诱曰怒读如强弩之弩方言曰弩犹怒也匡谬正俗曰怒字古读有二音今山东河北人读书但知怒有去声不言本有二读曾不寻究失其真矣

子言辨舍爵 辨古文徧

阳虎入于謹阳關以叛 謹应劭引作鄆云今泰山钜平县阳關亭是也

九年传兹阳货所欲倾覆也 韩非子载其语曰阳虎有宠于季氏而欲伐季孙贪其家也今君富于季而齐大于鲁阳货所以尽诈也

载葱灵 贾逵云葱灵衣车也尚书大传云未命为士不得有飞輅郑康成注云如今輿车也輅与灵古字通

赵氏其世有乱乎 此语非实事春秋后事左氏不及知故云然案韩非子曰阳货逐于鲁疑于齐走而之赵赵简主迎而相之左右曰虎善窃人国政何故相也简主曰阳货务取之我务守之遂执术而御之阳货不敢为非以善事简主兴主之强几至于霸也

吾从子如骖之靳 毛诗小戎云游环胁驱传云游环靳环也沈重曰靳者言无常处游在骖马背上以骖马外輿贯之以止骖之出猛盖言靳所以辅骖非相违也而相从也何仇难之有

焦 焦说文引作𠂔云 𠂔不兆𠂔读若焦【哀二年 𠂔同】皙帨 傅逊曰皙白皙帨以巾髮卑贱所服此說非也古者有冠无帨秦汉以来始有其制此传帨字说文引作防云齿相值也故杜训从之古省或以帨为防

衣貍制注制裘也 子惠子曰说苑呉赤市使于智氏假道于衛甯文子具纁絺三百制将以送之左传貍制注云裘此云纁絺非裘也乃衣耳裘名为制不见经传疑杜注误栋案传曰貍制故注云裘谓貍裘也哀廿七年陈成子救郑及濮雨成子衣制杖戈注云制雨衣也杜皆望文为义然以制为裘似有脱文

十年经郛謹 陰田 服防曰三田汶阳田也 山名陰之田得其田不得其山也

传步左右皆至 刘熙曰徐行曰步步捕也如有所伺捕务安详也

叔孙氏之甲有物注物识也 周礼阍人职云潜服贼器不入宫注云贼器盗贼之任器兵物皆有刻识栋案刻识之语出于汉时梁冀传云刻其毛以为识是也

十二年传登武子之台 酈元曰曲阜上有季氏宅宅有武子台王肃曰季孙宿所筑

十三年传归告其父兄 服防曰午之诸父兄及邯郸中长老

戍也骄注戍文子之子

世本曰卫献公生成子当生文子防【传作发】防生朱为公叔氏郑康成云朱春秋作戍

十四年传使死士 战国防苏秦曰厚养死士高诱曰死士勇战之士也先郑司农曰死士欲以死报恩者大公六韬曰有贫穷忿怒欲快其志者聚为一卒名曰必死之士贾景伯以死士为死罪人非也

哀元年传如子西之素

案功命曰谓之素宣十一年令尹蔦艾猎城圻三旬而成不愆于素是也

蔡人男女以辨 辨读曰班徐广史记注曰辨音班汉书王莽传辨社诸侯义作班襄廿五年传云男女以班赂晋侯刘 曰哀元年蔡人男女以辨与此同士虞礼曰明日以其班祔郑康成

云古文班或为辨是辨为古文班也

败越于夫椒 贾逵曰夫椒越地杜氏云夫椒吳县西南大湖中椒山司马贞曰贾説得之杜以为大湖椒山非战所夫椒与椒不得一旦夫差以报越为志又伐越当扞越地何乃不离吳境近扞大湖中又案越语云败五湖也

大夫种 高诱曰大夫种姓文字防楚鄞人

树德莫如滋去疾莫如尽 战国防引书曰树德莫如滋除害莫如尽今在大誓与此异

灭夏后相 汲郡古文曰帝相九年居于斟灌廿六年寒浞使其子浇帅师灭斟灌廿八年寒浞使其子浇弑帝公羊传云君死于位曰灭

生少康焉 服防曰后緡遗腹子

而邑诸纶 司马彪郡国志曰梁国虞县有纶城少康邑

以收夏众抚其官职 服防曰因此基业稍收取夏遗民余众抚修夏之故官宪典

祀夏配天不失旧物 服防曰以鯀配天也物职也注犹言天与不取
汉书萧何曰书云天与不取反受其咎

欲与楚者右 此与绛侯右祖意同怀公意欲从吳故使与楚者右

在军熟食者分而后敢食 案刘向説苑载此事云在军食孰者半而后食故服防注云以其半分军士而后自食其余若簞醪注流也公羊传曰师丧分焉分亦训平杜训为徧古训之亡自杜始

二年传郢不足以辱社稷 服防曰郢自谓己无德不足立以污辱社稷

八人衰经伪自卫逆者 服防曰衰经为若从衛来迎太子也较杜注为明

上大夫受县下大夫受郡 周书作雒曰国方千里分以百县县有四郡郡有四鄙高诱曰周制天子地方千里分为百县县有四郡郡有四鄙故言上大夫受县下大夫受郡周时县大郡小秦始皇兼天下初置三十六郡以监县耳

志父 注志父赵简子之一名也杜意言赵鞅一名志父今俗本作改名误

桐棺三寸不设属辟 荀卿子曰罪人之 棺槨三寸衣衾三领不得饰棺郑 引此传作属裨

朴马 荀卿子云若驭朴马杨倞曰未调习之马罗无勇麋之
广韵引作𠂔【八年传云及潞麋之注云麋亦束缚疑麋麋字通】无折骨无面伤 郑仲师引
云无破骨无面夷案外传晋惠公韩之誓曰将止无面夷死此求胜之辞故云无面夷

大命不敢请 晋语曰死不敢请韦昭曰言不敢请归之神也

三年传郁攸从之 尔疋曰郁气也攸所也火气出之所也襄九年传云奔火所杜注欠分明

命藏象魏曰旧章不可忘也 服防曰象阙也法令县之朝谓其书为象魏案象魏六官所县之
象如治政教刑之类绘为图象唐虞所谓画象是也此说本程大昌栋案风俗通云光武中兴
以来五曹诏书题乡亭壁岁补正多有阙谬永建中兖州刺史过翔笺撰卷别改着版上一劳
而久逸汉之五曹犹周之六官又汉时教令皆奏可施行尚书掌之故谓之五曹诏书亦见应
劭传

拾沈注沈汁也 释名曰宋鲁人皆谓汁为沈高诱引作沈

四年传诸大夫恐其又迁也承注承音惩盖楚言正义曰惩创往年之迁也 栋谓承读为惩经
传无文诗鲁颂曰戎狄是应荆荼是惩则莫我敢承毛传曰承止也传言承者谓诸大夫皆欲
止之也

五年传范氏之臣王生恶张柳朔 墨子所染篇云范吉射染于长柳朔王□王□即王孙也古
张字省作长见楚相孙叔敖碑此古文也

齐燕姬 服防曰燕姬齐景公之嫡夫人昭七年燕人所归

诸子鬻嬖之子 服防曰诸子诸公子鬻嬖景公妾淳于人所纳案诸子内官传氏逊据管子辨
正杜沿服氏之譌耳淳于人所纳未详所出

诸大夫恐其为子也言于公曰君之齿长矣未有太子若之何 服防曰为子为太子也荼少故
恐立之言君长未有太子一旦不讳当若之何欲齐侯早立长也案今本为子作为太子疑后
人所增杜无注或杜所增也

二三子闲于忧虞则有疾疢亦姑谋乐何忧于无君服防曰言二三子当国家闲暇无忧虞恐
疾疹在其间今无疹疾何为不自谋乐何忧无君乎

寘羣公子于莱 服防曰寘置莱齐东鄙邑欲使逖齐莱人歌之曰景公死乎不与埋三军之事
乎不与谋师乎师乎何党之乎 服防曰莱人见五公子逖迁鄙邑不得与景公 埋之事及国
三军之谋故愍而歌师众也党所也言公子徒众何所适也

六年传楚子使问诸周太史 服防曰诸侯皆有太史主周所赐典籍故曰周太史一曰是时往问周大史栋案楚灵王言齐衛晋鲁皆有分而楚独无有则楚不当有周所赐典借蓋自王子朝奉周之典借以奔楚是时当有掌典借之太史从子朝奔楚楚子在外而使问周太史也

三代命祀祭不越望 服防曰谓所受王命祀其国中山川为望

冀方 高诱淮南子注曰冀九州中谓今四海之内穀梁传曰郑同姓之国也在乎冀州详顾炎武日知録

阏止 案吕览以阏止为宰予高诱曰宰予字子我史记亦言宰我与田常作乱皆秦汉人相传之语未必然也

以安孺子如赖 古今人表作晏孺子晏与安古文通今文尚书钦明文塞晏晏今尚书文思安安司马彪曰济南管县有赖亭

君大访于陈子而图其小
子惠子曰必欲杀孺子而先以政授陈子此齐之所以亡也一言丧邦朱毛之谓

七年传执玉帛者万国今其存者无数十焉
战国防顔朶曰大禹之时诸侯万国及汤之时诸侯三千今乃二十四

邾茅夷鸿以束帛襁韦自请救于呉
告请者无庭实此云襁韦者贾公彦曰求救非法故有襁韦为庭实也

社宫 郑众曰社宫中有室屋者

乃背晋而奸宋 贾逵曰以小加大

八年传所托也则隐 所托也者谓所寄托之国则隐者隐本国之恶也杜注不明

鲁虽无与立必有与毙 国于天地必有与立鲁无与立言弱也必有与毙言公宾庚之属

拘鄆人之沔营者 郑康成注考工记引作渥营释文渥乌豆反与沔同是渥为古文沔也

何故使吾水滋 说文引作兹云黑也释文云本又作兹

景伯负载 郑 诗笺云载犹戴也谓负戴器物刘光伯说是也

梲之以 説文曰以柴木壅也从木存声本又作存释文作荐音在荐反非也

遂杀之 悼公弱安能杀鲍子必陈乞之谋也陈乞所畏者鲍高国耳乞既除高国所畏者鲍氏耳故希公意并除之而后行篡弑以并齐耳有马千乘之言亦乞所搆

十年传呉子三日哭于军门之外 服防曰诸侯相临之礼

十一年传党氏之沟 党氏鲁大夫犹云子驹之门也注有子冉求也 正误曰论语冉求称冉子有若称有子冉求字有亦称冉有二者必有一误春秋权衡曰案有子当为子有子有者冉求字也仲尼门人字多云字某者不得云有子也传寫误之矣

见保者而泣 王肃曰保县邑小城也案晋语尹铎曰抑为保障乎韦昭曰小城曰保礼记曰遇入保者【后世作堡】

壤地同而有欲于我 吕览载子胥语曰夫呉之与越接土邻境壤交通属习俗同言语通我得其地能处之得其民能使之越于我亦然故云有欲于我

得志于齐犹获石田也无所用之 吕览载子胥语曰夫齐之与呉也习俗不同言语不通我得其地不能处得其民不得使故谓之石田也

鸟则择木 服防曰鸟喻己木以喻所之国

如是则以丘亦足矣 丘赋作于前故云以丘亦足矣十二年传呉人藩卫侯之舍注藩离案杜注非也藩藩盾扶胥之属名为宿卫实因之也

效夷言 观此则春秋时已重呉音矣不始于晋也十三年传为二隧注隧道也军法司空治军隧道义见淮南子

弥庸见姑蔑之旗 墨子旗识篇曰建旗其署令皆明知之曰某子旗

十四年经齐陈恒执其君寘于舒州 史记齐世家云田常执简公于徐州司马贞曰徐字从人说文作防竝音舒续汉志云薛本国六国时曰徐州战国防齐一篇曰楚成王战胜于徐州高诱曰徐州或作舒州是时属齐栋案徐舒古字通易困之九四曰来徐徐子夏传作荼荼先郑考工注云荼读为舒舒徐也荼本古舒字是徐与舒同说文防读若涂易释文云荼音图然则舒亦有涂音欤非也司马贞得之

传诸御鞅 世本曰陈桓子产子亹亹产子献献产鞅司马贞曰鞅为仆御之官故曰御鞅

子行舍于公宫 服防曰止于公宫为陈氏作内闲也成子兄弟四欒如公 服防曰成子兄弟八人二人共一欒杜氏云成子之兄弟昭子庄简子齿宣子夷穆子安廩丘子意兹芒子盈惠子得凡八人二人共一欒司马贞案世本曰东僖子乞产成子常简子齿宣子其夷穆子安廩丘

子尚鑿【意与鑿通】兹子芒盈惠子得凡七人杜预又取昭子庄以充八人之数案世本昭子将来是桓子之子成子之叔父又不名庄强相证防言四榘有八人耳今按田完世家田常兄弟四人如公宫与此事同今此惟称四榘不言人数知四榘谓兄弟四人榘车而入非二人共车也然其昆弟三人不见者盖时或不在不同入公宫不可强以四榘为八人添叔父为兄弟之数服杜殊失之【正义引世本云僖子生昭子庄云云岂亦因杜注而附防之欤】

太史子余 子余陈氏党

侍人御之 服防曰阍竖以兵御陈氏

何以见鲁卫之士 服防曰子方将欲奔鲁卫也公文氏攻之 王符曰卫之公族有公文氏

十五年传寡君是以寒心 高诱战国防注曰寒心惧也

二人防衣而榘 服防曰防衣为妇人之服巾防其头而共榘也

孔氏之老榘宁问之 服防曰家臣称老问其姓名遂入适伯姬氏
服防曰入孔氏家适伯姬所居孔伯姬杖戈而先 服防曰先至孔悝所

遂刳以登台 服防曰于卫台上召卫羣臣

使告季子 子路二十字也季子五十字

召获驾榘车 服防曰驾榘车不驾兵车也言无距父之意也

行爵食炙 王充曰车行酒骑行炙案古人皆以车骑行酒肉【啸堂集古录载周叔邦父簠云叔邦父作簠用征用行用徙君王又叔夜鼎云叔夜衅其馈鼎以征以行用饔用羹知古人有行爵食炙之事】故西都赋云陈经骑以行炰腾酒车而斟酌马融广成颂云清醪车湊燔炙骑将行爵食炙而行示无惧也正义以为此句颠倒辞气不允盖未通于古

奉卫侯辄来奔 服防曰召获奉卫侯

弗及不践其难 贾逵曰言家臣忧不及国不得践履其难郑众曰是时辄已出不及事不当践其难子羔言不及以为季路欲死难也

无入为也 服防曰言辄已出无为复入

必或继之 王肃曰必有继续其后攻太子

十六年传旻天不淑不慙遗一老俾屏余一人以在位应邵曰慙且词也言旻天不善于鲁不且遗一老

使羣蔽我一人也郑 所引与此同今不淑作不吊慙作慙王肃曰屏辅也

防防余在疚 郑康成许叔重引此传皆作嬛嬛呜呼哀哉尼父 郑 曰尼父因目字以为之諡孔氏驳之案字諡见穀梁非康成臆说以字为諡左传有明文孔氏之驳未为得也

使贰车反祔于西圃 鲁语曰天子有虎贲习武训也诸侯有旅贲御灾害也大夫有贰车备承事也士有陪乘告奔走也许叔重五经异义曰或曰卿大夫有主不答曰卿大夫非有土之君不得祔享昭穆故无主古春秋左氏传曰衞孔悝反祔于西圃祔石主也言大夫以石为主谨案大夫以石为主礼无明文大夫士无昭穆不得有主今山阳民俗有石主 之闻也【以上郑氏驳】少牢馈食大夫祭礼也束帛依神特牲馈食士祭礼也结茅为菆主者神象也孝子既 心无所依以虞而立主以事之唯天子诸侯有主卿大夫无主尊卑之差也卿大夫无主者依神以几筵故少牢之祭但有尸无主三王之代小祥以前主用桑者始死尚质故不相变既练易之遂藏于庙以为祭主孔悝祔主者祭其所出之君为之主耳【以上皆郑氏说郑志张逸问许氏异义驳衞孔悝之反祔有主者何谓也答云礼大夫无主而孔独有者或时末代之君赐之使祀其所出之君者诸侯不祀天而鲁郊诸侯不祖天子而郑祖厉王皆时君之赐也】正义曰以为孔氏媾姓仕于卫已歷多世不知本出何国安得有所出公之主知是僭为之此说非也管子山至篇曰君人之主弟兄三世则昭穆同祖十世则为祔三世则同祀所出之公故不立主十世为祔所以别于宗也案世本庄叔达至孔悝凡七世上歷三世当在春秋之前至孔叔时合为祔主春秋以来兼国多矣未必皆书于经何得以所出之公无考而遂谓之僭耶郑氏之言不为无本若以旧章放失追议先儒恐违阙疑之义【昭十九年传云惧队宗主服防云祔主藏于宗庙故曰宗主】

市南有熊宜僚 高诱曰熊宜僚勇士居楚市南请以战备献
子惠子曰战备犹家备甲兵也齐管修 风俗通曰管修自齐适楚为陰大夫

高府 淮南子曰闔閭伐楚五战入郢烧高府之粟蓋宫中府名

圉公阳 史记曰惠王从者屈固

其徒微之 说文曰微隐行也

十七年传戎州 司马贞曰陈留济阳县东南有戎城济阳与卫相近故庄公登台望见戎州又隱七年云戎伐凡伯于楚邱是戎近卫

鄆般 说文曰鄆宋地也读若谗疑般采邑

十八年传宋杀皇瑗 汲郡古文曰敬王四十三年宋杀其大夫皇瑗于丹水之上丹水雍不流

廿年传吳公子庆忌 高诱曰庆忌吳王僚之子又淮南子注云吳王僚之弟子

史黯 高诱曰史黯史墨也

廿一年传使我高蹈

吕览曰子胥高蹶高诱曰蹶蹈也传曰鲁人之高使我高蹈瞠怒儿【高与皋通见释名】

廿二年传甬东 贾逵曰甬东越东鄙甬江东也廿三年传其可以称旌繁乎
繁說文引作𦍋云马髦饰也

廿五年传褚师声子鞮而登席注古者见君解鞮 东昌彭氏軒以为古无见君解鞮之礼栋案燕礼云宾反入及卿大夫皆说屨升就席郑志云凡燕坐必說屨屨不在堂也萧山毛氏牲以为脱屨非解鞮也栋又案少仪云凡祭于室中堂上无跣燕则有之郑志云祭不跣者主敬也燕则有跣为欢也毛牲曰燕饮君但脱屨而臣必解鞮记曰燕则有跣跣者解鞮也阎百诗曰陈氏礼书谓汉魏以后朝祭皆跣鞮又

谓梁天监问尚书奏议案礼跣鞮事由燕坐今极恭之所莫不皆跣清庙崇严既絶常礼凡有履行者应皆跣鞮盖是时有不跣鞮者故议者及之杜氏谓见君解鞮见君字不确须易为古者燕饮解鞮耳 栋又案宣二年左传云晋侯饮赵盾酒其右提弥明趋登曰臣侍君宴过三爵非礼也遂扶而下服防本作遂跣以下注云赵盾徒跣而下走此本书燕饮解鞮之明文也左传古本尽为杜预所改故学者每有疑义莫能详焉

君将防之 說文引作𦍋云欧儿从口防声玉篇同案释文作𦍋与說文合与石经异释文是也

君何所不逞欲 說文引云何所不逞云楚人谓疾行为逞

廿六年传后庸 唐石经作舌庸廿七年传同【吳语亦作舌庸】掘褚师定子之墓
掘玉篇引作搢云掘也释文云本或作搢【战国防禽滑厘古今人表作禽屈厘】

公游于空泽 酈元曰获水东南迳空桐泽北泽在虞城东南左传公游于空泽即此然则空泽者空桐之泽也

今君无疾而死 汲冢古文琐语曰初刑史子臣谓宋景公曰从今以往五祀日臣死后五年五月丁亥吳亡后五祀八月辛巳君薨刑史子臣至死日朝见景公夕而死后吳亡景公惧思刑史子臣之言将死日乃逃于 圃遂死焉求得已蛊矣

使祝为载书 周礼诅祝作盟诅之载辞

廿七年传设橐车两马 服防曰一曰两饰

及留舒 郑康成引作柳舒孔氏曰留柳不同盖所据书异栋案裴松之三国志注云古刘留聊柳同用卯字以从声故也【律历志云留孰于外】

吾乃今知所以亡 子惠子曰恨其语不审

惠定宇先生左传补注六卷向在京师假阅未及録乾隆壬辰冬厯城周书昌寄副至羊城乃戴东原先生手校本予覆校其半将归潮阳以付顺德胡先生常刻之明年癸巳三月胡生书至云刻未竣而病久之始知其是月已死其冬予再至羊城属顺德张君锦芳藏其事而胡生不及见矣胡能诗古文精六书予辛卯分校乡试所得士防试报罢与东原同舟行月余慕其学归益钻研经义豁然有心得而天弗假以年惜哉甲午二月益都李文藻记